



SEE  
#ALL  
THE  
PEOPLE



Pag-ugmad  
ug usa ka Sistema  
alang sa Tinuyo nga  
Pagkatinun-an:  
Giya alang sa mga  
Kongregasyon

Junius B. Dotson



# Pag-ugmad ug usa ka Sistema alang sa Tinuyo nga Pagkatinun-an: Giya alang sa mga Kongregasyon

Junius B. Dotson

Copyright 2017 Discipleship Ministries.

Ang mga teksto sa Kasulatan, gawas lang kon gisulti, gikutlo gikan sa New Revised Standard Version sa Biblia, The New Interpreter's Study Bible, Abingdon Press, 2003.

Gawas lang kon gipadayag, ang tanan kinutlo gikan sa The Book of Discipline of the United Methodist Church – 2016 copyright 2016 sa United Methodist Publishing House. Gigamit nga may pagpananghid.

Kon gusto kang daghang matun-an mahitungod sa mga basahon sa Discipleship Ministries, palihog bisitaha kami sa [UMCdiscipleship.org](http://UMCdiscipleship.org).

Kini nga balasahon nahimong posibli pinaagi sa madagayaong ayuda sa The World Service Fund sa United Methodist Church.

1908 Grand Avenue  
Nashville, TN 37212  
[UMCdiscipleship.org](http://UMCdiscipleship.org)  
877.899.2780

# Talaan sa mga Hilisgutan

- Introduction ..... 4
- Personal & Corporate Discipleship ..... 8
- Need for Clarity: What, How, Why ..... 12
  - What ..... 12
  - What & How: Two Repeated Questions ..... 13
  - Why ..... 15
- Understanding & Rediscovering the ‘Why’ of Discipleship ..... 18
  - A Deeper Why ..... 20
  - Rediscovering Our Why ..... 21
- Intentional Discipleship Systems ..... 24
  - Why Systems..... 24
  - Context, Language, & Ownership ..... 25
  - What is a Disciple? ..... 25
  - Characteristics of an Intentional Discipleship System ..... 26
- Tips for Creating Your Intentional Discipleship System ..... 30
  - Our Wesleyan Way ..... 31
  - Personal Discipleship & Leadership ..... 32
- Seeing & Reaching All the People..... 34
  - Big Front Porch ..... 34
  - It's All About Relationships! ..... 35
- Intentional Discipleship Across the Connection ..... 38
- For Further Study ..... 52
- About the Author..... 54

---

*Milibot si Jesus sa mga lungsod ug sa mga baryo, ug nagtudlo siya diha sa mga simbahan sa mga Judio. Giwali niya ang Maayong Balita mahitungod sa paghari sa Dios, ug gipang-ayo niya ang mga tawo nga may nagkalain-laing mga balatian. Pagkakita niya sa daghang mga tawo, nalooy gayud siya kanila tungod kay daghan silag mga suliran apan wala silay kadangpan. Sama sila sa mga karnero nga walay magbalantay. Busa miingon siya sa iyang mga sumusunod, “Daghan ang alanihon apan gamay ra ang mag-aani. Busa pag-ampo kamo sa Ginoo nga magpadala siyag mga mag-aani sa iyang alanihon.”*

– MATEO 9:35-38

---

# Pasiuna

Daghan pa gihapon ang alanihon, apan ang mga mag-aani diyotay lang. Karon, susama sa panahon ni Jesus, ang mga tawo adunay lawom nga espiritoohanong panginahanglan ug nangandoy sa mas dakong kahulogan sa ilang mga kinabuhi. Ang uban, sama sa teksto ni Mateo, gihisol ug walay mahimo. Ang uban nangita sa maayong balita. Ang uban nagkinahanglan ug kaayohan. Si Jesus naglantaw sa atong mga siyudad ug balangay ug adunay kalooy alang sa tanang katawhan...ug angay lang nga kita usab ingon nga iyang mga tinun-an.

Nahinumdom ako sa usa ka nursery rhyme nga gitudlo kanamo sa Sunday School niadtong bata pa kami...

***Kini ang simbahan, kini ang taluktuk,  
Ablihing pultahan ug ang katawhan nagtapok.***

Ugaling lang, kay daghang mga simbahan karon miusab pagsulat niini nga balak, “ablihing pultahan ug diin ang katawhan?” Bisan tuod adunay mga panghitabo sa lungsod ug siyudad diin ang trabaho ug mga tawo nibiya sa hingpit, daghan pa gihapong mga lungsod ug siyudad nga nagkadaghan ang mga molupyo kada tuig. Ang problema dili ang kakulang sa katawhan. Ang problema mao ang atong walay

katakos nga moatiman ug moadto kanila. Nakalimtan nato nga isip tinun-an gitawag kita aron pag-adto kanila.

Adunay sugilanon mahitungod sa usa ka manggihatagon nga nagsuhol ug pipila ka mga tawo panahon sa kalisod aron magtukod ug kalsada. Bisan tuod ang iyang tuyo kay maayo, ang manggihatagon nagsuhol ug mga tawo sa walay kapuslanan nga trabaho kay nagtukod sila ug kalsada nga walay kapaingnan. Sa dihang nakamatngon ang mga trabahante nga ang ilang trabaho walay kapuslanan, ang ilang kadasig sa trabaho nawala busa ang maong proyekto nahunong.

Kon maghisgot kita mahitungod sa tinuyo nga pagkatinun-an, kinahanglan masayod kita sa nilugdangan niini, ug kinahanglan masayran nato ang rason sa atong misyon paghimog mga tinun-an. Niini nga basahon, tawgon nato kining “ngano” sa pagkatinun-an. Kon tuyuon gyud nato pagtukod ang dalan sa pagkatinun-an, kinahanglan masayod kita nganong gibuhat nato kini, ang dalan nga ilang subayon, ug asa sila padulong. Dako kaayo ang danyos ug karon nga panahona lisod magtukod ug kalsada nga walay kapadulngan.

Sa nangaging katuigan, uban sa maayong katuyoan, naningkamot kitang manghimog tinu-an pinaagi sa pag-ayom-ayom – sa atong mga panimbahon, pagkolekta ug mga kasayuran, pagsubay sa demograpiko, pagsusi sa sumbanan, pagbuhat ug mahigalaon nga plano, ug pag-ayom-ayom sa ubang aspeto sa katilingbanong kinabuhi. Bisan kini importanteng mga elemento sa usa ka madasigong kongregasyon, makapalinga kini kanato ug magpatoo kanato nga pwede natong ayom-ayomon o buhaton ang paagi balik sa kadasig.

Sa kadugay nga panahon, Ang United Methodist Church nangita ug dali nga sulbad aron makatabang paggiya sa atong mga paningkamot sa pagkatinun-an, ug walay nahitabo. Nawala ang atong pagtutok sa tinuyo nga pagkatinun-an, nakalimtan nato ang hinongdan nganong miingon kita ug “oo” kang Jesus, ug kita mismo mihunong pagtubo ingon nga mga tinun-an. Nakalimot kita nga ang paglakaw sa dalan sa pagkatinun-an usa ka walay kataposang panaw sa pagtubo ug

paghingkod. Nagtoo ako nga ang bag-ong tumong sa paghimo ug tinun-an maoy maayo nga puhonan sa atong panahon, salapi, ug katigayonan. Ang atong tumong mao ang paglihok palayo gikan sa “pag-ayom-ayom” sa mga kasimbahanan, ngadto sa paghimo ug pagpatubo ug mga tinun-an! Gusto nako ang giingon sa tigsulat/ mamumulong nga si Mike Breen, nga nag-ingon,

***Kon mosulay kag tukod ug simbahan, diyetay ra ang makuha nimong tinun-an. Apan kon maghimo kag mga tinun-an, makabaton gyud kag simbahan.”<sup>1</sup>***

Sa ingon ani nga espiritu gi-awhag kita alang sa tinuyo nga pagkatinun-an, uban sa tinguha nga klarohon nato ang misyon isip usaka simbahan, aron paghatag ug himsog nga mga prinsipyo sa pagkatinun-an, ug mapadayag ang kaikag sa paghimog tinun-an latas sa atong denominasyon. Akong pag-ampo nga ang mga kasimbahanan motutok sa paghimog tinun-an, ug ipakaylap ang mga kalihokan kabahin sa paghimog tinun-an sa atong koneksyon sa makausa pa. Ako naglaom nga inyong gamiton kini nga basahon ilawom sa pagpanguna sa inyong mga lider sa simbahan aron paggiya kaninyong mapaninkamoton sa tumong nga makahimog mga tinun-an. Ako naglaom nga ang mga membro sa kabinete ug mga lider sa komperensya mogamit niini nga basahon aron pagdasig sa mga kasimbahanan nga himoong misyon ang paghimog mga tinun-an alang sa kausaban sa kalibutan sa tanan natong bulohaton sa United Methodist Church.

---

<sup>1</sup> *Building a Discipleship Culture*. Mike Breen. 3dm Publishing, 2014.

*“Ang atong  
pagpunting  
kinahanglang nga  
mapalayo gikan sa  
“pag-ayom-ayom” sa  
mga kasimbahanan  
ngadto sa paghimo  
ug pagpatubo sa  
mga tinun-an!”*

---

*Gidapit ko kamo sa pagsalmot niini nga kalihokan samtang kita: Mamati sa atong kaugalingon ug sa tanang panon, diin ang Balaang Espiritu naghimo kaninyong magbalantay, sa pag-atiman sa iglesya sa Dios...*

— BUHAT 20:28

---

# Kaugalingon ug Katilingbanon Nga Pagkatinun-an

Mahinongdanon nga ipasiuna ang among pagdapit sa himsog nga mga sistema sa pagkatinun-an uban sa pagsabot sa sukaranan nga ang tinuyo nga pagkatinun-an kaugalingon ug katilingbanon.

## **Kaugalingon nga Pagkatinun-an (ang tawo):**

*Pagsangkap ug Paghatag-gahom sa mga tinun-an alang sa ilang kaugalingong pagtubo.*

Adunay sugilanon bahin sa usa ka batan-on nga nagsakay sa tren diin ang liston sa iyang sapatos wala mahigot. May pasahero sa tren nga nagpakita ug pagpakabana ug gisultian ang batan-on, ug ang batan-on miyango apan walay gibuhat. Milabay ang pila ka minuto ug gisultihan pag-usab ang batan-on, “ang liston sa imong sapatos wala mahigot; di ko gustong mapandol ka”. Ang batan-on nagpasalamat, apan wala gihapoy gibuhat. Samtang nangandam sila pagkanaog, nabantayan sa pasahero nga ang liston sa batan-on wala gihapon nahigot. Sa dihang milakaw ang batan-on, natumban niya ang liston ug nahapla siya. Dali siyang gitabangan sa pasahero ug gipangutana, “Ngano wala nimo gihigot ang liston sa imong sapatos?” Mitubag ang batana-on, “Walay mitudlo kanako kon unsaon”.

Ang atong mga pulpito napuno ug “angay gayud buhaton” nga klase sa wali. Atong mga Sunday School naghisgot ug daghang mga butang nga makaapekto sa atong pagkatinun-an. Apan nagdahom kita nga tungod kay nasayod sila sa “angay gayud buhaton” kabalo pud sila “kon unsaon”. Balhinon nato atong pagpanudlo ngadto sa pagsangkap ug paghatag-gahom. Taphaw ba ang atong paghigot sa sapatos sa atong mga tinun-an nga wala nato gitudloan sila kon unsaon paghigot sa ilang kaugalingong sapatos?

Nagtoo ko nga kinahanglan nato kanunay pahinumdoman ang mga tawo nga isip sumusunod ni Cristo ug nagkahamtong nga tinun-an usa kini ka panaw sa tibuok kinabuhi. Pwede kini sa yanong pagsimba matag simana, “Mao kini sunod nga mga lakang aron mapalawon inyong pagtoo karong simanaha”. Basin kinahanglan ninyo maghunahunag plano para sa espirituhanong pagtubo uban ang mga nanguna sa administratibo. Makahatag kini sa mga nisalmot ug luna aron maghunahunag mahitungod sa ilang kaugalingon nga katuyoan alang sa espirituhanon nga pagtubo. Magbag-o usab kini sa mga tawo-administratibo ngadto sa grupo sa pakigsaad nga dili lang naghatag ug bililhon nga ministeryo, kon dili naghatag tulobagon sa usa’g-usa aron mahamtong sa pagtoo.

**Katilingbanong Pagkatinun-an (ang iglesya):**

*Ang pagbuhat kutob sa mahimo ingon nga simbahan aron mahatag ang kahigayonan sa mga tinun-an aron motubo ug mahamtong sa pagtoo.*

Bisan tuod ang lingwahe sa sistema sa atong pagkatinun-an padayon nga maghatag ug pagdasig, pagsangkap, ug paghatag-gahom sa mga tawo aron angkonon ang ilang pagtubo isip mga tinun-an, nagsugod kita sa lisod nga trabaho ingon nga mga magbubuhay sa iglesya nga mamuhay kutob sa atong mahimo aron makahatag ug kahigayonan sulod sa atong simbahan para motubo ang mga tawo ug mohamtong sa pagtoo.

Kon nakasulay namog tanom sa garden, nasayod kamo nga adunay mga butang nga mahimo nimong mapugngan ug dili mapugngan. Busa unsay imong buhaton? Buhaton nimo ang mga butang nga

pwede nimong mabuhat. Imong sigurohon nga ang yuta naandam alang sa tanom. Imong sigurohon nga nabutang kini sa usa ka lugar nga mainitan sa adlaw. Imong bubuan ug tubig kon uga, kon unsa kadaghan ang tubig- ulan. Imong sigurohon ug buhaton kutob sa mahimo ang paglantaw sa kahimtang sa yuta alang sa pagtubo sa tanom. Mao kini ang katilingbanon nga paagi sa tinuyo nga paghimog tinun-an.

Atong giila sa atong pamahayag nga ang “tinuyo nga pagkatinun-an usa ka kaugalingon ug katilingbanon” mao nga ang tinun-an nagkinahanglan niining duha aron motubo ug mohamtong. Ang tinuyo nga pagkatinun-an wala nagsalig sa kaugalingon niyang natampo lamang o sa natampo sa katilingbanon nga sistema ra. Kining duha kinahanglan nga hatagan ug gibug-aton ug tumanon, aron nga ang pagtubo ug paghamtong sa mga tinun-an mahibato.

## **Pamalandongi Kadali:**

**Hisgoti ang mga sumusunod nga mga pangutana uban sa imong pagpanguna:**

1. Unsay nahatag sa simbahan nga nakatabang nako pagtubo sa pagtoo?
2. Sa unsang paagi ang simbahan nagdasig kanako aron maangkon ang akong pagtubo isip tinun-an?
3. Unsay laing mabuhat nako aron modawat ug tahas alang sa akong pagtubo?
4. Gibuhat ba sa atong simbahan ang tanan aron makahatag ug kahigayonan sa mga tinun-an nga motubo ug mohamtong? Aduna ba kitay tumong?

*“Ako nagtoo nga  
madiskobre nato  
pag-usab ang  
gahom sulod sa  
kasingkasing sa  
Metodismo, kon  
atong madiskobre  
pag-usab ang  
unsa, giunsa/  
unsaon, ug ngano  
sa pagkatinun-an.”*

---

*Dili ako mahadlok nga ang mga tawo nga gitawag ug Metodista mohunong pagpakabuhi sa Europe o sa America. Apan nahadlok ako nga mabuhi lang sila ingon nga patay nga sekta, adunay gitawag nga relihiyon nga walay gahom. Ug mao kini mahitabo, gawas lamang kon huptan nila ang doktrina, Espiritu, ug disiplina nga maoy una nilang gitinguha.*

– JOHN WESLEY, GIKAN SA 'THOUGHTS UPON METHODISM'

---

# Gikinahanglan alang sa Katin-awan: Unsa, Unsaon/ Giunsa, Ngano

Sa dihang gisulat ni Wesley kining mga pulonga gipadayag niya iyang kahadlok sa umaabot nga adlaw nga ang katawhan nga gitawag ug Metodista mawad-an ug gahom nga maoy nagdasig kanila sa Methodist movement; nga ang mga Metodista makalimot ngano nasugdan ang Methodist movement; nga makalimtan nato kon unsay atong gitooan ug nganong mitoo kita niini; nga mawad-an kitag espiritu sa tanan natong gibuhay ug gisulti. Miabot ba kanang taknaa sa ubang bahin sa kalibotan? Nawala ba ang atong tumong sa pagbalaan sa kasingkasing ug kinabuhi nga nagbag-o sa tawo ug katilingban? Nagtoo ako nga aron makaplagan nato pag-usab ang gahom ug kasingkasing sa Metodismo, kinahanglan nato makaplagan pag-usab ang unsa, giunsa ug ngano sa pagkatinun-an.

## Unsa

Kon moingon ka sa yano nga mga nangulo sa simbahan, “Sultihi ko kon unsay gibuhat sa inyong simbahan”, kasagaran motubag sila sa talaan sa mga bulohaton ug kalihokan: 8:30 among panimbahon ug 11:00. Ang Sunday School anaa sa taliwala sa duha ka panimbahon. Sa ikaduhang Domingo sa bulan aduna kami pamahaw. Aduna kami Mission Trip alang sa pag-ayo sa mga balay bulan sa Hunyo, ug aduna kami Pagtoon sa Biblia nga magtigom sa Myerkules sa gabii”. Kining tanang mga butanga maayo ug kinahanglan nga bahin sa atong bulohaton sa simbahan, apan dili unta ingon ani atong tubag sa pangutana, “Unsay gibuhat sa inyong simbahan?”

Unsa ang misyon sa United Methodist Church?

***Maghimog tinun-an ni Jesu-Cristo alang  
sa kabag-ohan sa kalibotan.***

(Par. 120 sa *The Book of Discipline* 2016)

Kon pangutan-on kita kon unsay gibuhat sa atong simbahan, ang atong tubag mao kini, “naghimo kami ug mga tinun-an.”

Daghan sa simbahan ang makasaulo sa atong pamahayag sa misyon, apan kinahanglan nato kini ikinabuhi ug angkonon nga atong kaugalingon. Daghan kitang gibuhat nga mga maayong butang sa United Methodist Church, apan wala kita naghimo ug nagpatubo ug mga tinun-an.

## Unsa ug giunsa/unsaon: Duha ka gabalikbalik nga mga pangutana

Samtang nagbiyahi ako latas sa nasud diin adunay panaghisgot mahitungod sa tinuyo nga pagkatinun-an ug sa akong pagpamati sa mga pastor, layko, tinugyanan sa komperensya, ug mga Obispo, sa pagpanguna sa daghang mga hilisgotan, kining duha ka mga pangutana mitumaw:

***Unsa ba gayud ang usa ka tinun-an?  
Giunsa pag-umol ang mga tinun-an?***

Tinood, sama sa gipadayag sa mga pangutana, kon pangutan-on ang atong kaugalingon ug ang simbahan, unsay atong papel sa paghimo ug pag-umol ug mga tinun-an, ug diin ang Dios nisulod sa maong proseso? Kay nagtoo kita sa mga misteryo sa Grasya sa Dios – nag-una (prevenient), nagmatarong (justifying) ug nagputli (sanctifying) – namuhat sa kinabuhi sa mga tawo. Ang problema, dili ang misteryo sa Grasya sa Dios mao kanunay ang hinongdan niini nga mga pangutana. Ang akong kahadlok kon unsay gipasabot niining duha ka pangutana mao ang atong mga tinguha sa pagpasa sa atong katungdanan sa paghimog mga tinun-an. Magmatinud-anon kita, kon wala kita masayod kon unsa ang tinun-an ug giunsa/unsan sila pag-umol, dili kita makahimo kanila. Ang kakulang sa katin-aw sa tumong maoy mahimong babag sa atong pagpaningkamot paghimog mga tinun-an. Tinood, wala gayud sayon nga paagi sa paghimog tinu-an, ug ang panaw ug proseso sa matag tinun-an ug simbahan talagsaon. Apan taliwala niini, kita, isip mga tinun-an ni Jesus, adunay katungdanan nga buhaton kini sa usag-usa isip mga tinun-an, ingon man ang pag-umol ug sistema sa tinuyo nga pagkatinun-an alang sa simbahan.

Moapil kita sa proseso paghimog mga tinun-an ingon nga gisangon kini kanato ni Jesus:

***“Busa panglakaw kamo sa tanang kanasuran, ug himoa ninyo sila nga akong mga tinun-an. Bunyagi sila sa ngalan sa Amahan, sa Anak, ug sa Espiritu Santo. Ug tudloi ninyo sila sa pagtuman sa tanan nga akong gisugo kaninyo. Hinumdomi ninyo nga mag-uban ako kaninyo kanunay hangtod sa kataposan sa kalibotan.”***

– Mateo 28:19-20 (NIV)

Ang susi nga pulong niini nga teksto “lakaw!” Ang Kristiyanismo usaka relihiyon nga gapanglakaw. Manglakaw kita sa pagtoo. Ang atong misyon isip usaka pundok nakagamot diha sa dakong sugo. Anaa kita sa pinakamaayong kahimtang kon kita manglakaw. Ang


espiritu sa Metodistang kalihokan maila sa pagpanglakaw ngadto sa katawhan uban ang kaikag sa paghimog mga tinun-an. Nakalimtan nato nga ang gahum nga nagdasig kanato sa paghimog tinun-an makita sa mapadayonon natong pagpaningkamot sa pagtubag sa tawag sa Dakong Sugo.

Kon magpadayon kita sa atong pagkawalay kahibalo kon unsa ug giunsa/unsan, kinahanglan natong balikan ang misyon sa The United Methodist Church. Ug kon mitoo kita sa atong pamahayag sa misyon, atong klarohon kining duha ka gibalikbalik nga mga pangutana. Kinahanglan natong mahibaloan ang mga mahinongdanong kinaiya sa usa ka tinun-an, mahibaloan nato ang sangpotanan (kon unsang klaseng tinun-an ang atong gilaoman nga atong mahimo), ug kinahanglan natong hunahunaon ug maayo kon unsan nga ang mga ministeryo ug kahigayonan magkatugma sa pagtabang sa paghimo ug mga tinun-an. Ako naglaom nga sa umaabot nga mga panahaon diin kita mosalmot sa kalihokan paghimog mga tinun-an, ug dugang sa atong pamahayag sa misyon, ang matag tawo sa lingkoranan makapadayag kon unsa ang tinun-an ug adunay igong kahibalo kon giunsa kini paghimo.

## Ngano

Ang tin-aw nga pagpahayag kon unsa ug giunsa importante, apan ako nagtoo nga kinahanglan mosibog kita ug usa ka lakang, ug tubagon ang pangutana: Nganong pagkatinun-an man?

Sa iyang libro nga *Start with Why*, si Simon Sinek nagpadayag kon giunsa sa mga bantogang lider, mga kalihokan, ug mga kompanya pagkahibalo ug paglihok gikan sa ilang Ngano. Nagpadayag si Simon nga kadaghanan sa mga kompanya kabalo kon unsay ilang gibuhay, ang uban nasayod kon giunsa nila pagbuhay, apan pipila lamang mosulti kaninyo kon ngano. Gitawag niya kini ug *The Golden Circle* (lantawa ang figure A).



**Figure A**

***“Kon moingon kog ngano, dili maghimog kwarta ang buot nakong ipasabot – mao kana ang resulta. Apan nganong gipasabot nako kon unsay imong katuyoan, hinongdan o gitoohan? Nganong nagpabilin ang imong kompanya? Nganong mobangon kag sayo kada buntag? Ug nganong kinahanglan gyud adunay magpakabana?”***

– Simon Sinek, gikan sa *Start with Why*

Bisan tuod ug nagsulti si Sinek ngadto sa kinorporasyon nga kalibotan, nagtoo ako nga ang mga leksyon niini alang usab sa mga simbahan. Tin-aw ba natong matumbok kon ngano? Samtang lantawon nato kini nga pamahayag, pwede nga ilisan nato ang “maghimog kawarta” sa “pun-on ang mga lingkoranan.” Ang pagpuno sa mga lingkoranan maoy resulta, apan wala kini labot sa atong ngano, o kaha may kalabotan sa paghimo natog mga tinun-an. Nganong maghimo kitag mga tinun-an maoy atong katuyoan, atong hinongdan, ug atong pagtoo. Mobalik kini sa kinauyokan kon ngano kitang nabuhi. Nganong buhi ang inyong simbahan ug nganong magpakabana kita?

Kon may mangutana, “Nganong naa ka diri (diri nga simbahan, diri nga lugar)?” unsay imong tubag? Akong gipangutana kini sa mga simbahan nga akong nabisitahan ug nagkalain-lain ang tubag, apan sa kinatibok-an pareho lang:

Ubos sa 5% miingon nga nakaplagan nila ang maong simbahan sa ilang kaugalingon.

5-10% miingon nga gidapit sila sa membro sa simbahan.

80% o labaw pa miingon nga sila “natawong” Metodista ug kanunay nga nitambong sa The United Methodist Church kon diin sila nagpuyo. Ug dako nga bahin niini nga grupo (60-70%) miingon nga dinhi gyud sila nga simbahan; ilang mga ginikanan or katigulangan mianhi niini nga simbahan, busa, hasta usab sila.

Ang problema mao, nga samtang magkadugay kita sa usa ka lugar, magkadako ang kahigayonan nga makalimtan nato ug ngano.

Maoy akong pagpamatuod nga daghang United Methodist nga nawad-an o nakalimot ngano nga tinun-an sila, nga anaa sila niana nga simbahan, ug nakalimot o nawad-an sa ngano sa paghimog tinun-an. Samtang nangita kita sa katin-awan kon unsa ang tinun-an o giunsa paghimog tinun-an- ang pinaka importante nga atong mabuhat isip sumusunod ni Jesus mao ang pagpakigdugtong sa atong Ngano.<sup>2</sup>

## Pamalandongi Kadali:

**Hisgoti kining mga mosunod nga pangutana uban sa imong ginsakopan:**

1. Nganong ania ako diri (niini nga simbahan)?
2. Unsay nagdala nako diri?
3. Nganong nagpabilin ko? Unsay nagpugong nako diri?
4. Nganong importante kanako kini nga lugar?

---

<sup>2</sup> Alang sa pagtandi niini nga basahon, gidapit ko kamo sa pagbasa sa hamubo nga basahon ni Simon Sinek nga Start with Why. Niini nga libro gipagawas niya ang kalamposan sa Apple, the Wright Brothers, ug ni Martin Luther King, Jr. ug ang Civil Rights Movement pinaagi sa panglantaw sa The Golden Circle. O lantawa ang iyang TED Talk nga “How Great Leaders Inspire Action” [www.ted.com/talks/simon\\_sinek\\_how\\_great\\_leaders\\_inspire\\_action](http://www.ted.com/talks/simon_sinek_how_great_leaders_inspire_action)

---

*Ug sa samang panahon nga kita gimatarong, oo, niana gayong panahona, nagsugod ang pagbalaan. Diha-diha dayon “natawo kita pag-usab,” “natawo gikan sa langit,” “natawo sa Espiritu.” Adunay matoood ug susamang kausaban. Nabag-o ang atong pagkatawo pinaagi sa gahom sa Dios. Nabati nato “ang gugma sa Dios nga giula sulod sa atong kasingkasing pinaagi sa Balaang Espiritu nga gihatag kanato,” nga nagbunga sa gugma ngadto sa tanang katawhan, ug labaw sa tanan ngadto sa mga anak sa Dios, pagpapahawa sa gugma sa kalibotan, sa gugma sa kalingawan, sa kaharuhay, sa dungog, sa salapi; uban sa garbo, kasuko, kaugalingong pagbuot, ug bisan unsang dautang buhat – sa pulong, usa ka kausaban gikan sa “kalibotanon, kaulag, dautan” nga hunahuna ngadto sa “hunahuna nga iya ni Cristo-Jesus.”*

– JOHN WESLEY, SERMON “THE SCRIPTURE WAY OF SALVATION”<sup>3</sup>

---

# Pagsabot ug Pagkakaplag pag- usab sa ‘Ngano’ sa Pagkatinun-an

Karon mao na kining ngano! “Gibag-o sa gahom sa Dios ang sulod kanato...nga nagbunga ug gugma sa tanang katawhan.” Alang sa kalihokan nabag-o ug nakakita, ug nakabaton ug gugma sa tanang katawhan! Unsay gikinahanglan niini nga kalihokan? Ang pagkakaplag pag-usab sa tinuyo nga pagkatinun-an!

Niining bag-o lang, nahimo kitang hanas sa pagpadayag sa tanang butang nga atong kinahanglan nga buhaton isip usa ka iglesya.

---

<sup>3</sup> John Wesley, Sermon “The Scripture Way of Salvation” (1765) I.4 (Works, 2:158)

Kinahanglan sa atong mga simbahan nga adunay makadasig nga panimbahon, mga ministryo nga makadani sa katilingban, gagmay'ng pundok, ministryo alang sa mga bata ug kabatan-onan, pagsangyaw, pagkapiniyalan, ug ang listahan nagapadayon. Ang problema sa pagkahibalo ug pagpaningkamot sa pagtuman niining listahan sa mga butang nga kinahanglan natong buhaton mao nga nahimulag kini sa atong Ngano ug nahimo na lamang bulohaton, nga kasagaran nawad-an kita ug kadasig o kusog alang sa bulohaton.

Unsang mga katungdanan sa inyong simbahan nga nahimo na lamang bulohaton – mga butang nga nabati nimo nga kinahanglan buhaton?

Ang atong nahibaloan gikan sa wali ni John Wesley ug sa naunang kalihokan sa Metodista mao nga ang tanan nilang gisulti ug gibuhat nagagikan sa lawom nga kahibalo sa Ngano. Kini nga mga pagwali ug pagtudlo nga nakagamot sa Ngano naghatag ug kalipay ug tumong ug kagutom sa tanang mga butang nga atong pagabuhaton ingon nga usa ka lawas ni Cristo (gagmay nga pundok, makadasig sa atong katilingban, pagsangyaw, pagkapiniyalan, ug uban pa).

Ang mga tawo nga natandog ni Wesley ug ang mga naunang Metodista nga nakasinati gikan sa lawom nga pagbati kon Ngano, nagsugod ug pangutana:

Unsaon nako pagtubo niining bag-ong pagtoo?

Unsaon nako paggamit sa akong mga gasa?

Unsaon nako paghatag?

Unsaon nako pag-alagad sa uban?

Mahimo ba akong modapit ug usa ka higala?

Kon atong isumpay ang Ngano sa pagkatinun-an, motubo kita sa pagtoo uban sa katawhan, mahimong mas manggihatagon, maghunahuna ug molihok alang sa uban ug modapit kanila nga moduyog niining bag-ong kinabuhi nga naato tungod kang Cristo. Ingon nga usa ka tinun-an, dili kita nagapamuhat tungod kay gipugos kita kon dili tungod kay nahimo kining kabahin sa atong pagkatawo. Kon malapamposon ang atong pagkakaplag pag-usab

ug makasumpay kini sa atong Ngano, ang pagkatinun-an mahimong kabahin sa atong pagkatawo nga di nato mapugngan. Dili lang nato gidapit ang atong mga higala sa simbahan ug niini nga dalan sa kinabuhi sa pagsunod kang Jesus, kon dili tinguhaon nato! Dili lang ta kinahanglan motambong sa gagmay'ng tigom o magbasa ug Biblia, kon dili tungod kay gusto nato. Kon makaplagaan nato ug makaplagaan pag-usab ang Ngano sa pagkatinun-an ug paningkamotan ang pagtubo ug paghamtong ingon nga sumusunod ni Jesus, ang kabagohan sulod nato magdalag dakong tinguha ug kagutom sa pagbuhat sa pagtawag kanato sa Dios kon unsay ipabuhat. Kon kulang kita niini, mobalik kita sa pagpangita sa atong ngano pag-usab.

## Usa Ka Mas Lawom nga Ngano

Ang mga ginikanan naanad sa pangutana nga “Ngano?” Samtang nagtubo ang panghunahuna sa mga bata, kanunay sila mangutana aron masabtan ang mga butang ug nganong gihimo kini sa mga tawo. Nahinomdom ko sa mga panahon nga ang akong anak mangutana, “Ngano?” Sa panahon nga anaa ako sa ang-ang sa mga panahon nga nagmatoto ingon nga ginikanan, akong ayohon pagpadayag kanila ang tubag sa pangutana. Usahay ang akong tubag dili klaro, ug makadawat kog lain nga “Ngano?” (Nasayod kitang mga ginikanan nga kon daghan ang pangutanang “Ngano” mahutdan ug pasensya ang mga ginikanan sa pagtubag). Kon dili nako matagbaw ang pangutanang “Ngano” sa akong anak sa ikatulo o ikaupat nga pangutana, ang sayon nga tubag mao nga “kay ingon ana na gyud na”, o, “Tungod kay ingon ana ra gud”. Kini, sumala sa atong nahibaloan, dili gyud igo nga tubag sa “Ngano” nga pangutana. Busa ngano man kon mangutana kita, “Nganong maghimo kitag tinun-an?” kasagaran sa atong tubag, “Tungod kay miingon si Jesus?” Tinood kana nga miingon si Jesus, apan dili kini maayo nga “Ngano”. Nga “Tungod kay miingon siya” dili maoy tubag nga makadasig ug makaikag. Sama lamang sa bata nga gabalik-balik ug “ngano” maghatod lang kini sa mga tinun-an ni Cristo sa makadaghang pagsulay sa pagpangita ug pagpamalandong sa rason para sa paghimog tinun-an.

Ang dili nato pagsabot ug maayo sa Ngano sa pagkatinun-an nagpahuyang sa atong katakos sa paghimog tinun-an, ug

makapahuyang kini sa atong pagsaksi sa kalibotan. Dili kita makahatag kon unsa ang wala kanato. Kon wala kita masayod ngano kita mga tinun-an, o kon nakalimtan nato, unsaon nato pagdapit ang mga tawo diha sa kinabuhi nga nagsunod kang Jesus? Ug kon namuhat kitag mga dagkong butang ingon nga simbahan (pagpaubos sa kaso sa malaria, pagpauswag sa kalibotanong panglawas, pagtanyag ug pagkaon ug mga programa human sa klase, ug uban pa), apan dili nato matumbok kon ngano nato kini gibuhat, nahisama lamang kita sa usa ka boluntaryong pundok nga nagbuhat ug maayo nga mga butang.

## Pamalandongi Kadali:

**Lantawa ang youtube video nga Know Your Why by Michael, Jr.**  
**[www.UMCdiscipleship.org/knowyourwhy](http://www.UMCdiscipleship.org/knowyourwhy)**

1. Nganong maghimo kitag mga tinun-an?
2. Nganong ipaambit nato atong pagtoo?
3. Aduna ba kitay gitoohan nga pwedeng gikinahanglan sa uban?

## Pagkaplag pag-usab sa atong “Ngano”

Ang pagdiskobre pag-usab sa atong ngano sa matag lugar sa pagkatinun-an maoy unang lakang ngadto sa paghimo ug sistema sa tinuyo nga pagkatinun-an sa atong simbahan. Pananglitan: Sa unsang paagi ang pagboluntaryo sa lawak para sa kabataan (nursery) naglambigit sa pagkatinun-an? Kasagaran sa simbahan nakasabot kita nga kinahanglan gayud ang pagbaton ug lawak para sa kabataan (nursery) ato kining buhaton. Nagpasabot kini nga adunay luwas nga pagbansay sa alampoonan, pagsusi sa kasinatian, mga sulatanan, regular nga pahibalo/pagpahibalo gikan sa pulpito. Ang pagbutang ug tawo sa nursery dali ra kaayong buhaton. Apan, samtang diskobrehon nato pag-usab ang atong ngano ug ilambigit kini sa tinuyo nga pagkatinun-an, dali ra madiskobrehan nato pag-usab nga ang matag

bulohaton adunay lawom nga proseso paghimog tinun-an. Unsa kaha kon ang atong hangyo sa pagbutang ug tawo sa lawak para sa kabataan (nursery) naggikan sa atong lawom nga kahibalo ug ngano nga maghimog tinun-an? Mangutana kita niini nga paagi:

Sa simbahan, ang atong misyon mao ang paghimong mga tinu-an ni Jesu-Cristo nga maoy magbag-o sa kalibotan nga nagpalibot kanila. Kon mosanong ka nga mamahimong tawo sa nursery, niduyog ka sa Dios sa paghigugma ug pagmatoto niining mga kabataan, pagpadayag sa grasya sa Dios ngadto kanila. Ug salamat sa imong serbisyo sa nursery, ang ginikanan nianang bataa makaduyog sa panimbahon sa tibook semana, makatabang kanila sa pagtubo ug paghamtong sa ilang pagtoo. Salamat sa imong tampo sa paghimog tinun-an.

Kon madiskobrehan nato pag-usab ug maipadayag ang rason ngano diha sa tinuyo nga pagkatinun-an sa tanan natong gibuhad, makasumpay kita pag-usab sa padayon nga bulohaton ni Jesus nga naghanduraw sa sinugdan ug orihinal nga mga ministeryo, makapadayon kita sa mga ministeryo sa naunang Metodismo, nga nagdasig ug nagpalihok sa matag usa kanato hangtod karon.

## Pamalandongi Kadali:

**Ang matag aspeto sa atong simbahan kinahanglan makadiskobre pag-usab sa ilang ngano ug masabtan kon giunsa kini pagkonekta sa paghimog tinun-an.**

1. Unsa man ang mga katongdanan sa simbahan karon ug giunsa kini paglambigit sa pagkatinun-an?
2. Sa unsang paagi ka makatabang sa uban pagdiskobre pag-usab sa ilang ngano?
3. Sa unsang paagi ka makatabang sa uban sa pagsumpay sa ilang katungdanan sa pagkatinun-an?

*“Ang usa ka  
tinun-an mao  
kadtong nakaila  
kang Cristo,  
nagtubo diha  
kang Cristo, nag-  
alagad kang Cristo,  
ug nagpaambit  
kang Cristo.”*

---

*May mga Americanong ehikotibo sa kompanya sa salakyan nga nibisita sa usa ka kompanya nga tigbuhat ug salakyan nga gipanag-iya sa Hapon. Giobserbahan nila ang proseso sa paghimo ug sa kataposan, ang mga pultahan gitaodan ug bisagra, sama sa gibuhat sa America. Apan adunay kulang. Sa United States, ang usa ka trabahante maggamit ug goma nga martelyo ug dokdokon ang mga kilid sa pultahan aron masiguro nga nihaom kini pag-ayo. Sa Japan, dili nila kini gigamit. Tungod sa kalibog, nangutana ang mga Americanong ehikotibo kon giunsa nila pagsiguro nga nihaom ang mga pultahan. Nipahiyom lang ang naggiya kanila ug miingon, “Gisiguro namo nga mohaom gayud kini sugod sa paghimo pa lang namo sa deseny.” Sa planta sa mga salakyang nga iya sa Hapon, dili nila gisusi ang problema ug magkuha ug data aron sulbaron kon unsaon – gibuhat na nila ang resulta sa sinugdanan pa lang. Kon dili nila makuha ang gitinguha nila nga resulta, nakasabot sila nga kini tungod sa hukom nga ilang gibuhat sa sinugdan pa lang sa proseso.*

– SIMON SINEK, GKAN SA 'START WITH WHY'<sup>4</sup>

---

# Mga Sistema sa tinuyo nga Pagkatinun-an

## Ngano nga mga Sistema?

Kahibalo ka man o wala, aduna nay sistema nga nahan-ay sa inyong simbahan. Ang sistema ninyo karon naghatag ug tukma nga bunga sumala sa iyang deseny. Sa dihang nagsugod kitag hunahuna nga ang atong simbahan usa ka sistema, nagsugod na kitag hunahuna

---

<sup>4</sup> *Start with Why*, Simon Sinek, Pg. 14-15

kon unsay mahimong bunga sa atong sistema. Ang tinuyo nga sistema sa pagkatinun-an nagpasabot nga nasayod kita ug nagplano sa daghang pamaagi kon unsaon ang mga tawo nga bag-o pa sa pagtoo mosulod sa sistema sa pagkatinun-an sa atong simbahan ug molihok hangtod sila motubo ug mohamtong sa pagtoo. Ato dayon ipasabot ang mga kahigayonan nga mabatonan sa mga tinun-an pinaagi sa simbahan, ug motanyag ug pamaagi sa pagsusi sa ilang kaugalingon aron makapamalandong sa sunod lakang sa ilang espirituhanong panaw. Naglaom kita nga ang mga kasimbahanan ug mga komperensya maghunahuna sa katuyoan, diin magsugod kita sa paghimog tinun-an pinaagi sa osmosis – “Wala gyud kita kahibalo: ang mga tawo motungha, mga butang mahitabo, ug may mga higayon nga maomol ang mga tinun-an.”

## **Kahimtang, Pinulongan, ug Pagpanag-iya**

Samtang naglakaw kita sa batakang prinsipyo sa tinuyo nga pagkatinun-an, gidapit ko kamo sa pagdawat niini ug himoa kini nga inyohang kaugalingon. Ang matag simbahan ug ministeryo adunay pinasahing kahimtang. Ang inyong dapit adunay pinulongan ug termino nga mas haom alang kaninyo. Libre kamo nga mokorehe niini. Pinaagi sa pagbuhat ug paghunahuna sa inyong kaugalingong pinulongan, makapanguna kamo sa inyong simbahan ug ang katawhan mobati nga ilaha kining maong sistema. Gani, walay mausab niini nga basahon hangtod nga inyo kining dawaton, gamiton kini nga materyal, ug inyohon. Dili namo tuyo nga inyong gakson kini nga sistema, kon dili paghimo kamo ug inyong kaugalingong sistema.

## **Unsa man ang usa ka tinun-an?**

Himoang yano. Ang tawo nakabalo na mopadayag kon unsa ang tinun-an. Gusto kang mohatag ug pulong sa katawhan nga anaa sa mga lingkoranan nga dali rang mahinomdoman.

Mahimo nimong gamiton ang Wesleyan nga pagsabot sa usa ka tinun-an sumala sa General Rules of Discipleship:

***Ang tinun-an usa ka saksi ni Jesu-Cristo dinhi sa kalibotan nga nagsunod sa iyang pagpanudlo pinaagi sa buhat sa kalooy, hustisya, pagsimba, ug debosyon ilawom sa giya sa Balaang Espiritu.<sup>5</sup>***

Kanunay nakong gibalik-balik kini,

***Ang usa ka tinun-an mao kadtong nakaila kang Cristo, nagtubo diha kang Cristo, nag-alagad kang Cristo, ug nagpaambit kang Cristo.***

Kini nga pinulongan pwede mausab para sa inyong sitwasyon. Ang importante mao nga hatagig panahon sa pag-uswag ug tin-awa ang inyong pamahayag sa usa ka tinun-an. Sama sa giingon ni Zig Ziglar, “Kon wala kamoy tumong, bisan unsa nalang maigo matag higayon.”

Unsa man ang mga hiyas sa usa ka tinun-an sa inyong kahimtang ug giunsa ninyo pagtataw sa kahulogan sa usa ka tinun-an?

## **Mga Kinaiya sa usa ka Sistema sa Tinuyo nga Pagkatinun-an**

Sunod, ang matag sistema sa tinuyo nga pagkatinun-an maglangkob sa mga sumusunod:

1. Mga kinaiya sa usa ka tinun-an: Maghimo ug hulagway kon unsa ang hitsura sa usa ka tinun-an sa matag ang-ang sa pagtubo.
2. Mga kinaiya sa hamtong nga tinun-an: Unsay resulta sa imong sistema?
3. Mga ang-ang sa pagtubo sulod sa sistema: Giunsa man pagtubo sa usa ka tinun-an?

Aron paghatag ug hulagway niining batakang mga elemento sa tinuyo nga sistema sa pagkatinun-an, maggamit akog tsart nga akong gikuha

---

<sup>5</sup> The *General Rule of Discipleship* is an adaptation of Wesley's *General Rules*. (The Book of Discipline of The United Methodist Church—2012, ¶ 1117.2)

gikan sa trabaho ni Phil Maynard, founder sa EMC3 Coaching ug tigsulat sa daghang mga bilihong libro sa pagkatinun-an, apil na ang Shift: Helping Congregations Back Into the Game of Effective Ministry, ug Membership to Discipleship: Growing Mature Disciples Who Make Disciples (see Figure B).

### **MGA KINAIYA SA USA KA TINUN-AN** (sa wala nga hanay)

Niini nga bahin sa tsart ilista ang mga kinaiya sa usa ka tinun-an base sa kahimtang sa inyong ministeryo diin gihatagan ug pagtagad ang kaimportante sa pagpatubo ug pagpahamtong sa tinun-an. Alang niini nga pananglitan naglista kami niining mosunod nga mga kinaiya:

Ang usa katinun-an nagsimba  
 Kabahin sa usa ka katilingban  
 Mopadayag sa espirituhanon nga pagkinabuhi  
 Manggihatagon ug moalagad  
 Nagtinguha nga mahisama kang Cristo

Sa inyong kahimtang mahimo kamong mogamit ug nagkalain-laing kinaiya nga haom sa pinulongan nga gigamit sa inyong ministeryo ug tukma sa kinaiya sa mga tinun-an nga inyong gilaoman nga mahimong bunga sa inyong tinuyo nga sistema sa pagkatinun-an.

**MGA KINAIYA SA NAGKAHAMTONG NGA TINUN-AN** (sa tuong hanay) Sa matag kinaiya sa usa ka tinun-an nga nalista sa walang bahin, pagmugna ug pulong nga tukmang naghulagway kon unsa ang imong gilaoman nga resulta sa imong sistema sa paghimog tinun-an. Unsay hitsura sa usa ka nagkahamtong nga tinun-an?

**Pagsimba** – *Ang usa ka nagkahamtong nga tinun-an magsugod pagsimba kada adlaw, apil na sa Sabbath, nagdapit sa uban.*

**Katilingban** – *Nagtukod ug maayong pakigrelasyon sa uban ug gipaambit kanila ang kinabuhi ug katilingban nga ilang nakaplagan diha sa Ginoo ug sa ilang katilingban sa pagtoo.*

**Espirituhanon nga Pagkinabuhi** – *nalipay ug gikinabuhi ang espirituhanong disiplina, ug nagsugod sa pagpakita sa uban kon*

*unsaon paggamit niini aron motubo sa pagtoo ug mapaduol sa Dios.*

**Pagkamanggihatagon ug Pag-alagad** – *Maghatag sa ikapulo ug maghatag ug labaw pa sa ikapulo sumala sa giya sa Dios ug bagohon ang pagdumala sa kinabuhi ug katigayonan aron pag-uban kang Jesus diha sa pag-alagad sa uban.*

**Mahisama kang Cristo** – *Kaabag sa Dios ug nagdapit sa uban sa pagsunod sa kinabuhi ug pagtulon-an ni Jesus.*

### **MGA ANG-ANG SA PAGTUBO** (ibabaw sa tsart)

Sa ibabaw sa tsart ilista ang mahinongdanong mga ang-ang sa pagtubo nga giila sa inyong katilingban. Pananglitan, naggamit kita ug: Pagpangita, Pagsuta, Pagsugod, Pagtubo, ug Pagpahamtong. Lain nga panig-ingnan mao ang: Pagtoo, Pagbinootan, Pagpasakop. Ug atong gihatagan ug kahulogan ang matag usa ingon nga:

**Pagpangita** – *pagpangita aron makabaton ug kahulogan ang kinabuhi: mangutana sama sa, “Unsay naghatag ug tumong sa akong kinabuhi, kalipay, ug katumanan?”*

**Pagsuta** – *motambong, apan dili sakop; mahimong dili mopasalig sa pagsunod kang Jesus; makigbugno uban sa presensya sa Dios sa atong kinabuhi.*

**Pagsugod** – *Pagsugod sa pagsabot ug ikinabuhi ang atong bag-ong nakaplagan nga pagtoo; madasigon sa pagtoo, apan anaa pa ang pagduhaduha.*

**Pagtubo** – *Anaa ang kaikag nga mailhan nga sumusunod ni Cristo; nagdawat sa kaugalingong kaakohan alang sa pagtubo sa relasyon kang Jesus; nagsugod paggamit sa pagtoo sa kinabuhi diha sa balaanong paagi ug motutok kang Jesus alang sa panginahanglan.*

**Paghamtong** – *Paglakaw padulong sa pagtugyan sa atong kinabuhi kang Jesus; Kaikag nga mahibalo, mahigugma,*

*mosunod, moalagad, ug makig-uban ni Jesus ingon nga usa ka tinun-an; magsugod paghimog mga tinun-an.*

## **Pamalandongi Kadali:**

**Paggahin ug panahon niini nga mga prinsipyo sa sistema paghimog tinun-an ug himoang imoha kini:**

1. Unsay hitsura sa mga ang-ang sa imong pagtubo?
2. Unsa man ang kahulogan sa usa ka tinun-an alang kanimo?
3. Unsay imong gilaoman nga resulta sa usa ka hamtong nga tinun-an sumala sa kahimtang sa imong ministryo?

Figure B

DISCIPLESHIP SYSTEM SAMPLE  
(adapted from the work of Phil Maynard)

|                                 | Searching                                                           | Exploring                                                                                                                                                             | Beginning                                                                                                                                           | Growing                                                                                                                                           | Maturing                                                                                                                        |
|---------------------------------|---------------------------------------------------------------------|-----------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------|---------------------------------------------------------------------------------------------------------------------------------|
| <b>Worship</b>                  | Searching for something more.                                       | Invited by a friend to attend worship. Attend sporadically.                                                                                                           | Begin to worship regularly; becoming more aware of God in each day.                                                                                 | Attend regularly and begin to recognize daily moments of worship.                                                                                 | Begin to honor and worship everyday in work and play; inviting others to worship.                                               |
| <b>Community</b>                | Searching for genuine community.                                    | Begin to feel strangely drawn to these followers of Jesus and feel warm acceptance by them.                                                                           | Move from receiving gracious hospitality to offering it to others in every day life.                                                                | Begin to look for ways to love, accept, and relate to others in the same way that the church and God lovingly welcomed you.                       | Seek to build relationships with others and share with them the life and community that you have found in God.                  |
| <b>Spiritual Practices</b>      | Wonder about the Bible and if there are ways to experience God.     | Feel drawn to the story of God's love and begin to explore scripture.                                                                                                 | Begin to pray and read scripture regularly; being open to God.                                                                                      | Move to exploring spiritual disciplines; drawn closer to God on a daily basis.                                                                    | Enjoy and practice spiritual disciplines, and begin to show others how to use them to grow in faith and be drawn closer to God. |
| <b>Generosity &amp; Service</b> | Wonder if there is more to life than making money and selfish gain. | Begin to give occasionally in worship and try a service project at church. See other people making a difference in the lives of others and seek to be a part of that. | Begin to give regularly of money, time, and talents; understand Christ's invitation to serve others and discover how God has gifted you to do this. | Try tithing my resources, time, and talent to God through the ministries of the church; exploring ways to use one's gifts, talents, and passions. | Tithe and occasionally give beyond when led by God; begin to restructure life and resources to join Jesus in mission to others. |
| <b>Christ-Like</b>              | The life and teachings of Jesus are intriguing.                     | Exploring the life of Jesus on my own by reading the Bible and attending my first Bible study.                                                                        | Accept the call to follow Jesus and commit to the church; seek to become like Jesus and serve others.                                               | Begin to daily apply the teachings of Jesus in everyday life.                                                                                     | Partner with God and invite others to explore the life and teachings of Jesus.                                                  |
| Prevenient Grace                |                                                                     |                                                                                                                                                                       | Justifying Grace                                                                                                                                    |                                                                                                                                                   | Sanctifying Grace                                                                                                               |

*“Ang tinuyo nga  
pagkatinun-an  
magsugod kon  
ikinabuhi sa  
kasaligan nga mga  
pangulo kon unsa  
ang buot ipasabot  
sa nagtubo ug  
hamtong nga  
tinun-an.”*

# Mga Sugyot alang sa Pagbuhat ug kaugalingong Sistema sa Tinuyo nga Pagka Tinun-an

Samtang inyong dawaton kining mga prinsipyo sa sistema sa tinuyo nga pagkatinun-an ug gamiton sa inyong kongregasyon, magsugod kamo pagmugna sa inyong kaugalingon nga Sistema sa Pagkatinun-an. Kon inyong kuhaon ang mga paghulagway sa mga kinaiya sa matag ang-ang sa pagtubo, usa ka simpleng tsart sa pagka tinun-an ang mabilin kaninyo (see figure C sa ubos). Ang nanguna sa inyong simbahan makasugod na pag-ila sa unsang mga paagi ang inyong simbahan (katilingbanong pagkatinun-an) makahimo sa tanan aron paghatag ug mga kahigayonan aron motubo ang mga tinun-an ug mohamtong sa ilang pagtoo.




Figure C

# Ang Atong Wesleyan nga Paagi

Samtang magsugod kita pagbuhat ug sistema sa Tinuyo nga pagkatinun-an, kinahanglan natong hinomdoman nga duna kita dugay na nga tradisyon sa tinuyo nga pagkatinun-an. Ang unang mga Metodista naghimo ug mga Class Meetings, band meetings, ug Select Societies (ang gagmayng pundok ug espirituhanon nga pagmatoto) isip ilang sistema sa pagpaila sa bag-ong tinun-an sa pagtoo ug pagtabang kanila aron motubo ug mahamtong. Gamit niini nga sistema, madasig ang mga tinun-an sa pag-apil sa gagmayng pundok alang sa Cristohanon nga pagkomperensya ug pagbansay sa pamaagi sa grasya.

Niini nga gagmayng pundok, ang mga Metodista gidasig sa pagsunod sa Wesley’s General Rules:

- 1. Do no harm (ayaw pagbuhat ug daotan) pinaagi sa paglikay sa tanang matang sa dautan.
- 2. Do good (Buhata ang maayo) – sa tanang higayon kutob sa mahimo (sa lawas ug kalag).
- 3. Buhaton ang paagi sa grasya nga gitudlo ni Jesus sa mga tinun-an.

## PAAGI SA GRASYA

### Mga Buhat sa Kalooy

- Pagpakaon sa gigutom
- Sininaan ang mga hubo
- Pag-atiman sa masakiton
- Pagbisita sa mga nabilanggo
- Pagpapuyo sa mga walay balay
- Pag-abiabi sa mga dumudoong
- Pagpatuman sa kalinaw
- Pag-alagad alang sa kaayohan sa tanan

### Mga Buhat sa Pagkadiosnon

- Pagsimba sa Dios
- Pagbasa sa Pulong sa Dios
- Balaang komunyon (Balaang Panihapon)
- Kauban ang pamilya ug inusara nga pag-ampo
- Pagpangita/toon sa Kasulatan
- Pagpuasa ug pagdili
- Cristohanon nga paghisgot-hisgot

Alang sa uban pang mga basahon bahin sa Wesleyan nga Pamaagi bisitaha ang: [www.umcdiscipleship.org/covenantdiscipleship](http://www.umcdiscipleship.org/covenantdiscipleship)

## Kinaugalingon nga Pagkatinun-an ug Pagpanguna

Ang pag-usab sa kultura sa inyong simbahan aron gakson ang tinuyo nga pagkatinun-an nagsugod sa mga nanguna. Ang tanan motaas ug moubos sa pagpanguna. Daghang mga nanguna nasayop sa pagsabot nga kon magkapuliki sa boluhaton nakab-ot na ang kalamposan. Kasagarang sayop nga pagtoo bahin sa atong tumong sa epektibo nga simbahan mao ang pagtanyag sa dili maihap nga mga programa pito ka adlaw sa usa ka simana. Ang tinood mao nga ang inyong simbahan pwedeng nagkapuliki apan wala gihapon nakabuhat sa tukmang mga butang!

Ang tinuyo nga pagkatinun-an magsugod kon ang mga nanguna mobuhat kon unsay ipasabot sa nagtubo ug nagkahamtong nga tinun-an. Ang pagpanguna sa tanang ang-ang kinahanglan nga matinud-anon ug makapatandog, nakig-ambit kon giunsa nila pagtubo sa ilang pagtoo samtang gagiya sila sa uban, samtang nagdasig sa uban sa ilang panaw. Kinahanglan natong tan-awon ang panagtigom sa mga nanguna ingon nga kahigayonan dili lamang aron makab-ot ang administratibo o buluhaton sa ministeryo, kon dili panahon sa paghatag husay sa pagtubo sa espirituhanon. Sa unod, sama sa makasaysayan nga sistema sa panagtigum sa Metodista, ang matag grupo magtrabaho sama sa gagmayng pundok.

Ang tinuyo nga pagkatinun-an sa tanang ang-ang sa pagpanguna mag-umol sa tumong sa atong Pastor Parish/Staff Relations Committees ug sa atong Committee on Nominations ug Leadership Development. Ang paghatag ug pagtutok sa paglambo ug pagtubo sa himsog nga mga tinun-an taliwala sa mga nanguna dili madanihon, apan mao kini ang makina nga maghimo sa mga simbahan nga magpatubo ug himsog nga mga tigpanguna. Kinahanglan natong basihan ang kanunay nga pagtubo sa pagkatinun-an gikan sa atong pagpanguna kon gusto kita nga makakita niini sa atong mga kasimbahanan.

Ang tinuyo nga pagkatinun-an kinahanglan maoy mag-una nga bulohaton sa mga nagdumala. Kinahanglan kitang nakatutok sa pagpatubo sa mga tinun-an. Ang mga nanguna kinahanglan may tin-aw nga pagsabot sa ilang bulohaton sa pagtabang sa mga tawo aron motubo ug molambo sa espirituhanong bahin sa ilang simbahan ug katilingbanong kahimtang. Niini nga paagi, ang kaakohan sa tigpanguna nabag-o gikan sa “pag-ayom-ayom sa simbahan” nga klase sa panaghisgot ngadto sa pagtukod ug gingharian nga klase sa panaghisgot. Ang atong tumong magtutok gikan sa pagpatubo ug mas dakong simbahan ngadto sa pagpatubo ug mas daghang mga tinun-an.

## Pamalandongi Kini:

1. Sa unsang paagi nga ang pagtutok sa tinuyo nga pagkatinun-an nakabag-o sa pagpanguna sa mga lider sa simbahan?
2. Sa unsang paagi nga ang pagtutok sa tinuyo nga pagkatinun-an magbag-o sa panglantaw sa inyong SPPRC/PPRC o Committee on Nominations and Leadership Development?

# Pagtan-aw ug Pagkab-ot sa Tanang Katawhan

## Big Front Porch

Samtang naglantaw kita sa kasamtangan ug umaabot nga mga hagit sa paghimog tinun-an sa ika 21st nga siglo, nakita nako ang nagtubo nga panginahanglan sa atong mga kasimbahanan sa pagmugna ug Big Front Porch nga pagsabot. Unsay buot nako nga ipasabot niini mao ang pagpamuhat nga may katuyoan sa unahang bahin sa sistema sa atong paghimog tinun-an. Kon gihunahuna nimo ang talay sa ang-ang sa pagtubo, naghigot ako sa mga kahigayonan nga atong ikatanyag diha sa Pagpangita ug Pagkab-ot nga bahin. Unsaon man sa inyong simbahan nga mamahimo kining mas may katuyoan kabahin sa paghatag ug lugar ug kahigayonan alang sa katawhan nga nangita sa espirituhanong kahulogan o Cristohanong pagsusi? Unsaon man nimo pagtabang sa mga nanguna aron masabtan ang kaimportante sa paggahin sa susamang lugar ug pagsangkap kanila sa pinakamaayong paagi aron makiglambigit niadtong mga tawong nagpangita ug nagsusi?

Nakita na nato ang paningkamot sa pagbuhat nini latas sa atong koneksyon sa daghang mga paagi. Fresh Expressions maoy usa ka pananglitan sa simbahan nga naghatag ug luwas nga lugar alang sa mga dili membro sa simbahan aron pagsugod sa pagtapik sa abaga sa mga tawo uban sa simbahan. Kini nga mga paningkamot kasagaran konektado sa pagkinabuhi o kalingawan, sama sa skateboarding, surfing, pagkatkat sa bato (rock climbing), etc., apan pwede usab sa panagtigom diha sa palibot alang sa pagpanganta ug pagpangakape.

Samtang magsugod ang inyong simbahan sa pagmugna ug susama nga luna ug kasinatian, siguroha nga ang inyong katuyoan dili matapos diha. Kon magtukod kag Coffee Shop o skateboard park nga dili magtanyag ug kahigayonan sa mas lawom nga katilingban o pagdapit sa pagkatinun-an, gitabangan mo lang ang mga manginginom ug kape ug skateboarders. Siguroha nga magtukod ka usab ug katilingban uban ang kahigayonan nga mapailaila ang sinugdan sa pagkatinun-an. Isip katawhan sa Big Front Porch nga nagsugod sa pagsusi sa mga pamaagi ni Jesus, unsaon nimo pagtabang sa sunod nga lakang? Sa unsang paagi ka makatabang sa mga nagsugod? Sa samang paagi, ayaw itugot nga ang Big Front Porch mopalayo samtang daghang mga tawo nahimong sumusunod ni Jesus. Kon mahitabo kini, makabaton kag Christian coffee shop o Christian skateboard club. Ang tinuyo nga paghatag lugar ug kasinatian nga imong gimugna alang niadtong mga nagpangita ug nagsusi kinahanglan magpadayon sa pagpanaw ngadto sa mosunod nga ang-ang nga grupo sa mga nagpangita ug nagsusi. Pinaagi sa sistema sa Big Front Porch, ang imong simbahan kinahanglang may katuyoan mahitungod sa pagpadayon sa pagtanyag ug luwas nga lugar diin ang mga tawo makapangita sa espirituhanong kahulogan ug makasusi sa Cristiyanismo.

## **Mahitungod sa Pagpakigrelasyon Kining Tanan!**

### **PAGPAMUHAT SA MISYON UG PAGPAKIGRELASYON**

Gituyo nako ug gamit ang pulong nga pagpamuhat sukwahi sa kinaraan nga pagsabot sa pagkab-ot. Pasagdi kong itanyag ko ang kalainan. Ang pagkab-ot adunay kinaraan nga duha ka porma. Pwedeng pagpaningkamot sa misyon. Mao kini ang mga kinaraan nga bulohaton sa pagtabang sama sa paghatag pagkaon ug sinina, paglimpyo sa palibot, ug pagtigom ug pagkaon. Adunay mga pagpaningkamot sa pagkab-ot nga may kinaiya sa pagsanyaw. Naglangkob kini sa mga kalihokan sama sa pagtambong sa pista sa kadalanan ug pagpanghatag ug mga imbitasyon sa simbahan, o pag-adto sa parke aron pagpanghatag ug tubig sulod sa botelya nga may nakasulat nga kasayuran bahin sa simbahan. Nagtoo ako

nga bisan unsang pagpaningkamot sa pagkab-ot kansang katuyoan mao lang ang pagdapit sa mga tawo sa simbahan o pagpanghatag lang ug “ministeryo sa mga tawo” ug dili “uban sa mga tawo” nga walay pagpakabana sa pagtukod ug relasyon usa lang kini ka hamubo nga panglantaw – wala gayud matumbok ang tinuyo nga paghimog tinun-an. Ang pagpamuhat sa misyon nagkinahanglan sa pagtukod ug tinod-anay, buhi, ug mapadayonon nga pagpakigrelasyon. Ang pagpakigrelasyon lamang nga tinukod gikan niining tulo ka kinaiya moresulta sa tinuyo nga paghimog tinun-an.

**Tinuod/Kasaligan:** Ang Merriam Webster naghatag kahulogan sa pulong Tinuod ingon nga “dili malalis nga sinugdanan; tinuud.” Ang ato bang pagpamuhat sa misyon uban sa mga tawo tinuod? Nagsugod ba kini sa maayong lugar? Maayo ba ang sinugdanan? Samtang nagtubo kita sa atong pagtoo ingon nga mga tinun-an ni Jesus, mamahimo kitang mas manggihatagon, adunay dakong pagpakabana ug pag-atiman sa kalibotan ug sa mga tawo sa atong palibot. Kini nga pag-atiman ug pagpakabana kinahanglan magsugod pagpadayag diha sa atong relasyon. Samtang magtukod kitag relasyon sa mga tawo gawas sa simbahan, importante nga atong susihon ang hinongdan ug sigurohon nga tinuod kini. Kon kasaligan ug tinuod ang atong pagpakighibalag, mas epektibo ang atong pagpadayag sa pagtoo.

**Buhi/Organiko:** Samtang namuhat kita uban sa mga tawo ug nagsugod pagtukod ug relasyon, kinahanglan kining buhi/natural – dili mahimong ipugos. Hunahunaa ang kinabuhi ingon nga butang nga nakabaton ug kinabuhi sa iyang kaugalingon. May usa ka batan-ong pastor nipaambit kanako nga siya ug ang iyang asawa nagdesisyon nga hunongon ang ilang cable koneksyon aron makatigom ug salapi. Kini nga buhat nagkuha kaniya sa kalipay paglantaw sa football pagkatapos sa panimbahon panahon sa Dominggo, busa nagsugod siya pag-adto sa local bar aron paglantaw sa dula. Paglabay sa daghang semana, adunay nahitabo nga wala niya damha. Nakahimo siyag higala ug naugmad ang iyang relasyon sa mga tawo nga kanunay niya makita kada semana sa bar. Niabot ang panahon nga ang panagsulti ug relasyon nilawom ug sa kalit naghisgot sila mahitungod kang Jesus ug sa ilang pagtoo. Kini nga mga pagpakigsulti niresulta sa daghang mga tawo nga nidawat kang Jesus ingon nga Manluluwas ug daghan kanila nagsugod ug tungha ug tabang sa simbahan.

**Molahutay:** Ang usa ka himsog nga relasyon nagkinahanglan ug makanonayon nga pamohonan sa panahon. Ang molahotay nagpasabot nga ang atong pagpakighigala dili morag negosyo. Dili lang kita naningkamot nga madala sila sa simbahan. Aduna kitay tinuod nga tinguha nga mas mailhan sila ingon nga tawo ug nagtugyan kita sa atong kaugalingon sa pagpakigrelasyon kanila ingon nga silingan, bisan pa ug dili sila motambong sa atong simbahan. Ang kanunay nga pagpakighibalag naglangkob sa pagtawag sa telepono, pagdapit panahon sa pinasahing kalihokan, o yanong pagsulti nga giapil sila sa inyong mga pag-ampo sa simbahan. Matingala ka sa mga silingan nga mamahimong magdadasig alang sa ministeryo sa imong simbahan diha sa komunidad bisan pa ug sa laing simbahan sila nagtambong.

Kon ang pagpakiglambigit tinud-anay, buhi ug kanunay, naghimo kitag luna nga gikinahanglan sa tawo aron mopa-ambit sa ilang pagtoo. Ang pagpamuhat dili usa ka programa, usa kini ka gawi nga nakagamot sa pagtugkad sa pagkatinun-an sa kongregasyon. Kini nga gawi pwede nga makapausab sa pamaagi sa simbahan sa pagplano sa bisan unsang bulohaton o kalihokan. Susiha ang kalihokan nga kanunay gipahigayon sa inyong simbahan. Pananglitan ang pagpangita ug Easter egg panahon sa kwaresma, ang tinuig nga pagpanghatag ug mga sinina, o pagpamaligya o garage sale. Unsa kahay kausaban sa kinaiya niini nga kalihokan kon naklaro kini pagplano aron ang atong pagpakighugoyhugoy sa mga tawo buhi, tinuod ug kanunay? Pwede kining maglangkob ug grupo sa mga membro kansang responsibilidad mao lamang ang pagpakigsulti sa mga tawo ug pagpaminaw sa ilang mga sugilanon. Dili kita makahimog tinun-an kon dili nato unahon ang pagpakigrelasyon kanila!

Sa kataposan, hatagig pagtagad kon unsaon ninyo paggamit ang teknolohiya sa kahimtang sa inyong ministeryo aron mouswag ang kalambigitan ug posibli nga relasyon sa umaabot. Unsaon nato pagsugod sa pagpakigsulti ug pagpakigrelasyon pinaagi sa website, social media, blogs, videos, ug podcast? Unsaon nato pagdasig ang mga tawo gawas sa atong simbahan sa positibo nga paagi nga motagbo kanila sa ilang kasamtangang kahimtang, pag-ila ug pagpasabot sa ilang lawom nga espirituhanong panginahanglan? Ang

paggahin ug luna sa pagpakigsulti, mohatod sa bag-ong relasyon. Apan ayaw kalimti, ang teknolohiya dili makapuli sa tinuod nga tawhanong relasyon, apan pwede kini gamiton pagsugod ug pundar sa relasyon.

Ang pagkatinun-an magsugod sa pagpakigrelasyon – tinuod, buhi, ug molahotay.

*“Ang problema  
dili ang kakulang  
sa tawo. Ang  
problema mao ang  
atong pagkawalay  
abilidad sa  
pagkab-ot kanila.”*

# Tinuyo nga Pagkatinun-an Latas sa atong Koneksyon

Ang tinuyo nga kalihokan sa pagkatinun-an nahitabo na latas sa atong koneksyon. Nagkadaghan ang mga simbahan ug ang mga nangulo miila nga kita kinahanglan nga nakatutok sa paghimo ug pagpatubo sa mga tinun-an, ug mopalayo gikan sa hunahuna sa pag-ayom-ayom sa mga simbahan. Kini ang mga pipila ka pananglitan. Makita ninyo kini pinaagi sa pagbisita sa **UMCdiscipleship.org**.

## Tinuyo nga Pagkatinun-an Sa Gagmayng Pundok

### *Broomfield United Methodist Church, Colorado*

Ang mga tawo sa Broomfield United Methodist Church, nahimutang taliwala sa Denver ug Boulder sa Colorado, aktibong misalmot sa nagkalainlain nga gagmayng grupo. Pinaagi sa katilingbanong kaalam sa 2004-2005 gamit ang grupo nga nagtutok, ang mga myembro ug nanguna sa BUMC nagmatood sa kaimportante sa gagmayng pundok ingon nga importanteng bahin sa tinuyo nga sistema sa pagkatinun-an. Ang misyon sa kongregasyon – Pagsimba sa Dios, Pagtubo diha sa Dios, Pagpaambit sa Pagtoo sa Dios ngadto sa uban – naipadayag sa mosunod nga importanteng panginahanglan: Balaang Kasulatan, Regular nga Pagsimba, Panagtigum sa gagmayng pundok, Pagpanggawas sa kalibotan, panag-ambit sa ministeryo sa layko ug pastor. Ang kinauyokan nga pundok sa pagkatinun-an naglangkob sa upat ka grupo sa Dominggo sa buntag, unom ka grupo sa kalalakihan, upat ka Bible Study sa kababayen-an,

daghang nagpadayon nga grupo sa gabii, tulo ka grupo sa silingan, ug unom ka United Methodist Women's Circles. Kini nga mga grupo naghatag ug lapad ug nagkalain-laing kahigayonan alang sa pagtoon, espirituhanon nga pagtubo, ug nagsuportahay ug naghatag ug husay. Kadaghanan niini nga mga grupo namuhat sa Bible Studies, topical studies, o book studies. Dugang pa, ang mga nanguna sa gagmayng pundok nagmugna ug bag-ong grupo sa magkabanay/magkapamilya matag tuig aron pagtubag sa pinasahing panginahanglanon ug kaikag. Daghan niini nga mga grupo hamubo lang nga panahon, apan ang uban nagpadayon tungod sa ilang pagkasuod sa usag-usa. Ang kasamtangang grupo sa magkapamilya naglangkob sa The Artist's Way, Just 10 LBS (usa ka grupo nga nagpakunhod sa timbang), Parents of Teens, ug Parents of Adult Children. Ang BUMC nagtanyag ug lapad nga nagkalain-laing support groups sa nangaging katuigan, sama sa Alcoholics Anonymous, Caregiver Groups, ug Autism Group. Kini nga grupo namugna ingon nga tubag sa panginahanglanon ug nagpadayon hangtod nga ang simbahan ug mga membro sa komunidad magpadayon sa pagsalmot. Ang ubang gagmayng grupo, sama sa Singles, athletic, ug dinner groups, nakabaton ug katilingbanong bulohaton, naghatag ug kahigayonan sa mga tawo sa pagtukod ug pagpakighigala. Ang ubang grupo sama sa Prayer Shawl Ministry ug Heart-to heart visitation team, adunay misyon sa pag-alagad sa uban. Dugang pa, si Thomas Cross, nga nag-alagad isip pastor sa Pagkatinun-an (Discipleship), nagtanyag ug patuyok nga short term group nga nakatutok sa United Methodist Beliefs, Three Simple Rules, Five Marks of Methodist, The Story of the English Bible, Dictionary of a Loving God, and the Holy Spirit Seminar.

Dugang pa, ang mga pastor nagpili ug thematic studies para sa Kwaresma matag tuig, diin ang tema sa pagwali gipadangat sa mga gagmayng grupo. Ang panagtigom sa mga gagmayng grupo nakalinya uban sa mga sermon sa Dominggo panahon sa Kwaresma. Dugang pa, ang mga pastor nagduso sa mga teksto aron himoon kining galamitont alang sa panahon sa mga pagtoon. Ang Seasonal Scripture sa Dominggo nga grupo kanunay nagtigom alang niini nga hamubong panahon sa pagtoon, ingon man ang pagtoon sa Pasko sa Pagpaabot sa Nobyembre ug Desyembre. Kini nga hamubong panahon sa pagtoon epektibo nga nagdani sa mga bag-o nga

sumasalmot sa gagmayng grupo, ug uban pang mga tawo nga nagpabilin ug naapil sa nagpadayon.

Aron madasig ang mga bag-ong nitambong sa pagsalmot, ang mga pastor ug program staff nagpahigayon ug monthly pizza uban sa panihapon sa mga pastor, diin ang mga tinugyanan makighugoy-hugoy sa mga bag-ong nitambong ug magpaila sa mga nabuhat sa ministeryo, apil na ang mga halad sa mga gagmayng grupo. Ang mga piniyalan magdapat niadtong nagpadayag sa ilang kaikag ug kasinatian. Ang Pastor sa Pagkatinun-an (Discipleship) nagdapat sa tanan nga motambong sa Pizza uban sa mga pastor o moapil sa simbahan aron mopaapas (follow up) sa dessert gathering, nga ginahalad kada ikatulo ka bulan. Kini nga dessert gathering para sa mga bag-ong membro nga nakatutok sa gagmayng pundok ug sa mga nangulo sa gagmayng grupo nga nagpahigayon sa kalihokan, maghisgot mahitungod sa grupo ug sa mga ministeryo nga ilang gipangunahan. Ang mga gagmayng pundok importante nga bahin sa sistema sa pagkatinun-an sa Broomfield United Methodist Church. Ang katilingbanong pagpanguna nag-ila sa gagmayng grupo isip sentro ingon man sa mga tinugyanan sa magpaambit sa panglantaw (vision). Ang mga membro nitubag nga madasigon pinaagi sa pag-alagad ingon nga mga nangulo sa gagmayng grupo. Sa nagkadugay, ang BUMC naglihok gikan sa usa ka simbahan nga adunay gagmayng grupo ngadto sa usa ka simbahan nga may gagmayng grupo. Ang resulta pinasikad sa gugma, diin ang mga tawo motubo diha kang Cristo, masayod ug mag-atiman sa usag-usa.

Rev. Thomas Cross  
*Pastor of Discipleship*

# Tinuyo nga Pagkatinun-an sa Matag Distrito

## *Oklahoma Annual Conference*

Ang Oklahoma Annual Conference nagtutok pag-usab sa ilang katuyoan sa sistema sa pagka tinun-an ug mga paagi sa tanang iglesya local. Ang mga District Superintendents (chief missional strategists) nagtabang sa mga kasimbahanan sa pagbuhat ug mga kahigayonan alang sa mga layko aron mahimong mapadayonon nga sumusunod ni Cristo. Sa pagsugod sa bag-ong quadrennium, ang atong grupo sa Discipleship Ministry sa komperensya (sama sa Board of Discipleship sigun sa kahulogan nga gilatud sa The Book of Discipline) nakigtagbo kang Jeff Campbell sa Discipleship Ministries aron ipasinati sa atong grupo ang mga prinsipyo sa sistema sa tinuyo nga pagkatinun-an. Ang mga membro nga gitugyanan naghatag ug susamang mga pagbansay sa mga distrito ug mga iglesya local. Ang mga kalihokan sa kabaryohan sa rehiyon ug mga kasimbahanan nga diyotay lang ang mga sakop nakatutok sa H.O.P.E., usa ka sistema sa pagka tinun-an base sa paragraph 122 sa Book of Discipline. Ang H.O.P.E. nagpasabot sa hospitality, offering Christ, purpose, ug engagement nga sa ato pa, pagkamaabiabihon, naghalad kang Cristo, katuyoan ug pagpamuhat. Sa sesyon sa komperensya karong tuiga, atong pasidunggan ang usa ka simbahan sa matag distrito ug One Matters Discipleship Award pag-ila sa mga kasimbahanan nga naghimog mga lakang sa pagpamatood sa pagtoo ug pagbawtismo. Ang umaabot nga mga plano naglangkob sa pagsuporta sa mga iglesya lokal samtang nangandam sila ug nagpatuman sa klaro ug hamubo nga dalan sa pagkatinun-an ug mga plano sa paghimog mga tinun-an ni Jesu-Cristo alang sa kabag-ohan sa kalibotan. Sama sa giingon ni Pablo ngadto sa mga taga Corinto, “Apan magpabilin ako sa Efeso hangtod sa Pentecostes, alang sa mga bulohaton nga naabli alang kanako, ug daghang mga kaaway.” Ang mga kasimbahan, tinood nga nag-atubang ug daghang mga kaaway sa kalibotan, apan daghan usab mga kahigayonan alang sa epektibo nga ministryo nga abli matag adlaw. Ang sistema sa Tinuyo nga pagkatinun-an nagtabang sa mga sumusunod ni Cristo sa paggiyaagi sa mga pultahan ngadto sa tiilan ni Jesus.

Rev. Derrek Belase, Director of Discipleship

# Sistema sa Tinuyo nga Pagkatinun-an: Hinimong Pananglitan sa Iglesya Lokal

***Peace United Methodist Church, Pickerington, Ohio***

Ang dalan sa pagkatinun-an sa Peace Church nagtutok mahitungod sa pagbag-o sa mga tawo ngadto sa pagkamatinahuron nga sumusunod ni Cristo nga nahigugma sa Dios ug sa uban. Among gipanghibalag ang mga tawo sa komunidad panahon sa ilang makatandog-balatian nga panginahanglanon, pinaagi sa pagpaambit sa nag-una nga grasya sa Dios (prevenient grace) pinaagi sa mga grupo nga naghatag suporta, nag-alagad ug nagsaksi, nagmisyon ug nanggawas (outreach) nga kahigayonan. Mga programa sama sa Pagpaambit sa Kasubo (Grief Share), Pag-amoma sa Nag bulag (Divorce Care), Upwards Soccer, Preschool, ug pag-alagad sa among komunidad pinaagi sa pagboluntaryo sa among kapistahan sa Siyudad, pagpintura sa mga silonganan sa among mga tulonghaan, uban pa, naghatag kanamo ug kahigayonan nga maipadayag among gugma sa katawhan diha sa makita nga paagi.

Samtang nagtukod kami ug relasyon sa mga tawo, ginadapit namo sila sa pagduyog kanamo sa panimbahon, gagmayng pundok, mga pagtoon, ug ministry teams. Among gilaoman nga si bisan kinsa nga motawag sa Peace Church ingon nga kapamilya mosalmot niini nga mga importanteng bulohaton sa simbahan. Pinaagi niini nga kalihokan ang mga tawo makasinati sa grasya sa Dios nga nagamatarong ug namati sa mga hunahuna sa tawo, pagtoo ug kinaiya.

Samtang padayon nga nagtubo ang mga tawo, ang uban kanila nagtinguha sa pagpadayon sa unahan sa ilang pagtubo sa pagtoo. Mas lawom nga pagtugkad sa pagkatinun-an gitanyag pinaagi sa grupo nga nakigsaad, pares-pares nga paghatag husay ug pag-atiman, ug nagkalin-laing matang sa pagbansay sa mga nanguna alang sa nagpadayon nga kalihokan. Pinaagi sa gipakusog nga pagtumbok sa espirituhanon nga pakigrelasyon ang mga kasimbahanan makatabang sa mga tawo aron makasinati sa balaanong grasya sa Dios uban sa katuyoan sa paglansang sa daotang buhat sa unod ug paghingpit niini sa gugma. Ang tumong sa Peace Church mao ang pagtubag sa kabobot-on sa tawo, motibo ug kinaiya.

Human sa mga katuigan sa tinuyo nga pagsakripisyo, pipila sa mga tawo sugod nga nakasinati sa kinatibuk-ang pagputli sa Dios. Kini nga kasinatian sa kinatibuk-ang pagputli sa Dios gikinabuhi sa Communitos (ang kinatibuk-ang lawas

ni Cristo) ug nitandog kini sa espiritu sa tawo. Kini nga mga tawo gihingpit sa gugma ug maayong buhat ug nakasabot sa pinakalawom nga kahimtang kon unsay ipasabot sa matinumanon nga sumusunod ni Cristo kinsa nahigugma sa Dios sa tibook kasingkasing, kalag, hunahuna ug kusog, ug nahigugma sa uban sama sa paghigugma sa kaugalingon. Adunay unom ka mga pagkinabuhi/disiplina nga atong gilaoman nga buhaton sa tibuok nilang panaw sa walay paglantaw kon kinsa sila sa proseso. Ang unang tulo nagtabang kanato sa paghigugma sa dakong debosyon sa Dios (kaugalingon nga debosyon, katilingbanon nga pagsimba, ug sakripisyo nga paghatag) ug ang naulahing tulo nagtabang kanato sa pagsabot sa paghigugma sa uban labaw sa atong kaugalingon (pag-alagad/pagsaksi, madasigon nga pakigrelasyon, ug kaugalingon nga pagtubo). Kini nga mga espirituhanon nga mga kagawian, uban sa mga programa sa tinuyo nga pagkatinun-an nakadesenyo aron matubag ang nagkalain-laining aspeto sa pagtubo sa pagtoo, maoy nagtugot sa mga tawo nga motubo sa ilang pagtoo.

Alang sa dugang impormasyon kabahin sa proseso tawag sa Peace Church 614-837-3732 o [scott@peaceumc.org](mailto:scott@peaceumc.org) ug malipayon kami nga mopadayag sa among proseso alang sa tanang detalye.

Rev. Bill Lyle  
Senior Pastor



# Tinuyo nga Pagkatinun-an Pinaagi sa Pasunod nga Sermon: Tibook Simbahan nga Galamiton

## *South Carolina Annual Conference*

Unsaon nato pagtabang sa mga kasimbahanan sa paghunahuna mahitungod sa pagkatinun-an inay pagkamembro? Kanus-a ug diin kita naghisgot mahitungod sa paghawa gikan sa pagka sakop ngadto sa pagka tinun-an? Pipila ka mga kapastoran sa South Carolina naghisgot niini nga mga pangutana didto sa Intentional Growth Center sa Lake Junaluska. Kadto nga panaghisgot, nakabase sa libro ni Phil Maynard nga Shift, nagtultol sa pangandoy sa pag-apil sa ubang Metodistang kapastoran. Kini nga grupo, human sa makuting panaghisgot, nagsugod pinaagi sa paghatag-kahulogan sa pagkatinun-an ingon nga “atong tubag sa pagdapit ni Jesus nga ‘Dali, Sunod Kanako.’” Sukad sa sinugdan, nagsugod kami sa pagmugna ug pasunod nga sermon ug galamiton sa simbahan uban niini nga ulohan.

Ang matag kongregasyon adunay “mga membro” nga may nagkalain-laing ang-ang sa pagpatubo sa pagtoo. Ang bulohaton sa kongregasyon mao ang pagkab-ot sa katawhan nga nangita sa Dios, samtang sa samang pagkaagi motabang sa uban sa pagpaduol sa mas lawom nga relasyon sa Dios. Sa pagsulat niining Come, Follow Me, naglaom kami nga mokutaw kini ug panaghisgot aron ang mga membro molakang padulong sa pagkatinun-an. Naglaom kami nga ang mga nagtigom makahibalo gikan sa panaw ni Pedro mahitungod sa pagkatinun-an ug maisil-sil ang tinguha sa pagsugod o pagsugod pag-usab sa panaw ingon nga mga tinun-an ni Jesus.

Ang pasiunang bahin niini nga proyekto naglangkob sa pito ka sermon base sa dagway sa panaw ni Pedro ingon nga tinun-an. Among gilakip ang mga kaagi nga materyales, mga sermon, mga sugyot alang sa video, ug uban pang galamiton. Naglaom kami nga ang kapastoran sa komperensya mogamit niini nga mga sermon ingon nga modelo alang sa ilang kaugalingon nga pasunod nga sermon aron molakang gikan sa pagkamembro ngadto sa pagkatinun-an.

Among ipaapas kini nga pasunod (series) nga sermon uban sa mga basahon alang sa tibuok kongregasyon nga pagtoon niini. Ang mga tagsulat nakatutok sa nagkalain-laing edad nga naglangkob sa mga bata, kabatan-onan ug mga hamtong niini nga pagtoon. Ang tanang materyales makuha ingon PDF downloads gikan sa South Carolina Annual Conference website.

Ang mga tagsulat niini nga pasunod (series) naglangkob nila ni Ross Chellis, Brad Gray, Angela Ford Nelson, Paul Harmon, Wendy Hudson-Jacoby, ug Neal Woods. Silang Jim Arant, Cathy Joens, ug Chris Lynch nanguna sa grupo sa matag ang-ang sa edad. Si George Donigian, kanhi Children's curriculum developer ug editor, nagpadayag sa iyang katakos pagkorehe niini nga proyekto.

Ang mga tekst sa Biblia ug tema kada sesyon:

Pagsunod – Marcos 1:16-20

Pagkompisal – Mateo 16:13-20

Pagduhaduha – Lucas 22:54-62

Pagkabag-o – Juan 21:1-14

Pag-alagad – Juan 21:15-19

Pagsangyaw – Mga Buhat 2:29-39

Pagtabok – Mga Buhat 10:34-38

Rev. George Hovaness Donigian

*Development Editor*

(sa ngalan sa Discipleship Curriculum Team)

# Tinuyo nga Pagkatinun-an: Sistema nga Gisugyot sa Komperensya

## *Western Pennsylvania Annual Conference*

Sa sinugdanan sa matag panaw, kinahanglan nato mobuhat sa unang lakang. Usahay nasayud kita sa atong padulngan ug kana nga unang lakang dali ra nato mabatbat. Apan kon dili kita nasayod o dili kita sigurado, dali ra kita malinga, mawad-an ug kadasig o mapaurong. Bulahan kita, kon adunay giya nga moabot aron motultol kanato sa dalan.

Usa sa mga importante nga panaw sa tawo mao ang panaw uban kang Jesus, apan sama sa ubang panaw, makahatag ug kalibog usahay. Kita, nga simbahan, pwedeng maglaom sa pinakamaayo o makatabang kita sa pagtumbok sa dalan. Makatanyag kita ug nagkalin-laing kahigayonan, uban sa paglaom nga adunay mopuno sa panginahanglanon ug tinguha sa kasingkasing, o makagiya kita sa tagsatagsa kon unsa gyud ang motagbaw ug mopatubo kanila.

Ang Dalan sa Pagkatinun-an (The Road to Discipleship) usa ka tinuyo nga plano nga motabang sa mga kasimbahanan sa pagmugna ug sistema nga maabiabihon, matinukoron (building), ug mopalawom sa pagkatinun-an. Nagsentro kini sa pagsabot ni Wesley sa pagkatinun-an ingon nga panaw sa grasya ug naglantaw sa pagkatinun-an nga balaanon – usa ka proseso nga gibuhath gikan sa upat ka susamang importanteng bahin: Komunidad (koinonia), Pagtudlo/Pagtoon (didache), Pagsanyaw/Pagkabag-o (kerygma) ug Pag-alagad (diakonia). Samtang among gibuhath ang mapa sa agianan, nakatabang kami sa pagtultol sa uban sa hustong direksyon sa pagkatinun-an.

Rev. Chris Kindle

*Director of Discipleship and Spiritual Ministries*



# THE ROAD TO DISCIPLESHIP



## EXPLORING CHRIST (PREVENIENT GRACE) CREATING SPIRITUAL FRIENDSHIPS

### COMMUNITY

- Lunch with Pastor
- Visitor follow-up
- Integration into a small group
- Participation in a "get to know our church" study

### TEACHING

- The Story, Zondervan
- Alpha
- Disciple's Path, Jim Harnish
- 40 Days of Purpose
- A "How to Read the Bible" Class

### PROCLAMATION

- Commit to pray for 5 minutes a day
- Commit to read the Bible with a provided plan
- Share with someone that you are attending church

### SERVICE

- Volunteer to greet others as they come to church
- Participate in a church ministry (CROP Walk, food or blood drive)



## MATURING IN CHRIST (SANCTIFYING GRACE) CREATING A SACRIFICIAL LIFE

### COMMUNITY

- Lead or co-Lead a small group
- Participate in New Member Classes as mentor
- Help to lead a church retreat
- Participate in a Walk to Emmaus

### TEACHING

- Disciple-type Bible Study
- Dare to Dream, Mike Slaughter
- 40 Days of Service

### PROCLAMATION

- Commit to practice the discipline of Fasting once a month
- Commit to memorize 2 verses a month
- Commit to daily reading of scripture and prayer
- Look for ways to practice forgiveness
- Commit to giving a tithe of your income

### SERVICE

- Lead or co-lead a VIM Team
- Participate in a visitation and prayer ministry
- Participate in Lay Servants' School
- Participate in Regional help ministries, such as EUMA or Northside Ministries



## TRANSFORMING IN CHRIST (JUSTIFYING GRACE) CREATING FOUNDATIONAL BELIEFS

### COMMUNITY

- Participate on a membership class
- Participate in a small group
- Participate in a church retreat

### TEACHING

- A Disciple's Heart, Jim Harnish
- Believe, Randy Frazee
- The Life You've Always Wanted, John Ortberg
- 40 Days of Community
- 40 Days of Love

### PROCLAMATION

- Write out and learn to share your testimony
- Commit to memorize 1 verse a month
- Commit to daily reading of scripture and prayer
- Commit to giving to your church financially

### SERVICE

- Participate in a Volunteer in Missions (VIM) Team
- Serve at a local soup kitchen
- Volunteer with a local church ministry (after school program, tutoring)



## CENTERED IN CHRIST (GOING ON TO PERFECTION) CREATING A MISSIONAL LIFE

### COMMUNITY

- Lead a group
- Find someone to mentor
- Be a leader in Walk to Emmaus

### TEACHING

- Disciple Bible Study
- Life on Mission

### PROCLAMATION

- Commit to participation in a poverty-related ministry
- Commit to give to other ministries beyond the local church tithe
- Provide preaching assistance to your church and/or district

### SERVICE

- VIM Team leader
- Volunteer to serve longer periods of time
- Join NOMADS Mission volunteers

# Tinuyo nga Pagkatinun-an: Gipasiugda sa Komperensya

## *Upper New York Annual Conference*

Sa Upper New York Annual Conference, ang sistema sa tinuyo nga pagkatinun-an naila nga usa sa mga sangkap alang sa madasigon nga kongregasyon. Sa pagtapos niini, nagkalin-laing paagi ang gigamit pagpaduol sa kongregasyon aron makatabang pagmugna ug sistema sa pagkatinun-an. Usa ka binuligay nga paningkamot ang padayon nga gipatuman aron maipahibalo ang bili sa sistema sa tinuyo nga pagkatinun-an, ug ang kaimportante sa sistema sa misyon ug ministryo sa local nga kongregasyon. Nabuhat kini diha sa pagpadayag gikan sa Episcopal nga pagpanguna (leadership), District Superintendents, ug sa daghang mga tinugyanan. Dugang pa, ang pagmantala naglangkob sa mga sugilanon ug kasayuran mahitungod sa sistema sa tinuyo nga pagkatinun-an.

Samtang ang bili ug kaimportante gipahibalo, ang palakaw nga kahigayonan gigamit sa komperensya. Ang tumong sa mga programa dili aron maghatag sa kongregasyon sa sistema aron sundon, hinoon aron tudloan ang mga sangkap sa epektibo nga sistema sa pagkatinun-an. Dugang pa, ang pag-atiman gihatag aron magpabilin kanunay sa Wesleyan nga teyolohiya ug tradisyon. Ang mga pagbansay gihatag sa distrito nga ang-ang ingon man sa komperensya nga ang-ang. Panahon sa proseso sa pagpadasig nga gitawag ug Hand to Plow, gihatagan ug kahigayonan ang mga kongregasyon nga makabaton ug mas lawom nga paglantaw kon unsay kinahanglan buhaton aron mamugna ang sistema sa pagkatinun-an, ingon man kon unsaon pagmugna ug sistema alang sa ilang kongregasyon.

Ang mga kongregasyon gidapit aron mahimong makabalo sa sistema sa pagkatinun-an pinaagi sa pagbasa sa nagkalain-laing mga libro diin ang mga sistema nakalatid. Kabahin sa pagtoon mao ang pagkaplag sa mga naunang sangkap alang sa epektibong sistema. Ang mga sangkap gibutang sa lugar diin ang mga tawo anaa sa panahon sa ilang pagtubo ingon nga mga sumusunod ni Jesu-Cristo.

Ang mga kongregasyon nagkinahanglan ug kahigayonan sa pagtubo alang niadtong nagsusi pa kang Cristo, bisan nasayod sila o wala. Ikaduha, Ang mga kongregasyon nagkinahanglan ug kahigayonan sa pagtubo alang niadtong makahukom nga mosunod kang Cristo, o bag-o pa lang ingon nga sumusunod. Ikatulo, ang mga kahigayonan kinahanglan anaa alang sa mga tawo nga lawom nga nagtubo sa ilang kinabuhi diha kang Cristo, ingon man alang niadtong nagpanaw sa dugay na nga panahon. Kadtong mga nagpanaw diha sa pagtubo sa dugayng panahon maoy kasagaran nga nagtultol sa uban sa ilang panaw. Kini nga mga sangkap mitakdo sa grasya nga Makita sa Wesleyan nga teyolohiya: Nag-una (Prevenient), Pagkamatarong (Justifying), Pagputli (Sanctifying), ug kadtong naglakaw padulong sa kahingpitan (Going to perfection).

Ang mga detalye sa programa ug mga paagi kanunay gitudlo, ingon nga importante alang sa local nga kongregasyon aron mopa-angay sa mga sangkap sa ilang kahimtang. Ang mga sugyot gihatag, apan ang dakong kahago ihatag sa pagdapit sa mga local nga kongregasyon nga magmugna ug sistema sa pagkatinun-an nga mohaom sa ilang kongregasyon ug komunidad. Ang kauban nga imahe gigamit aron paghatag ug malantaw nga kapasikaran (visual reference) sa kongregasyon samtang magbuhat sila sa ilang sistema. Gilaoman nga ang yanong talan-awon magpahinomdom sa katawhan nga nagtrabaho sa maong sistema, ingon man ang Wesleyan nga grasya.

Rev. Dr. Aaron M. Bouwens  
*Director of Vital Congregations*

# Tinuyo nga Pagkatinun-an: Internasyonal

## *Manila Episcopal Area*

Ang UMC DOC (United Methodist Church, Disciples of Christ) usa ka pasiunang basahon nga gimugna ingon nga sumbanan sa pagsangyaw/pagkatinun-an aron matabangan ang mga pastor, dyakonesa ug mga layko sa Manila Episcopal Area uban sa 12 ka Annual Conference nga naglangkob sa 28 ka distrito.

Sa sistema sa DOC, ang mga tinun-an nisalmot sa pagsangyaw, paghimog tinun-an, ug CARE groups. Ang mga tinun-an nipaambit sa ilang pagtoo, nagdapit sa uban diha sa kinabuhi uban kang Cristo. Kon ang usa ka tawo modawat kang Jesu-Cristo isip Dios gidapit silang mouban sa CARE group. Niini nga mga grupo, ang bag-ong tinun-an makasinati sa gugma, pagtubo sa kinaiya sama kang Cristo, gibansay ug gipalig-on, ug makasinati ug panagtigum uban ang mga tinun-an. Ang tanang tinun-an mopailawom sa proseso sa pagbansay ug pagsangkap isip pagpangandam ingon nga maghimog tinun-an.

Ang sumbanan naglangkob sa sumusunod nga sistema: Pagsangyaw (tagsa-tagsa ka pagsangyaw, pagbukas sa panimalay, CARE GROUPS, panagtigum sa CARE group network, Pagsimba). Paggakos (senemana nga panagtigum sa CARE group, kada adlaw nga debosyon, pag-ampo nga patakpatak, Pre-experience seminar, 3 Day Experience retreat, Post-experience seminar, Accountable discipleship class 1), Pagsangkap (Accountable Discipleship 2, 3, and 4), ug Pagpalig-on (Pagsugo ug mga bag-o nga lider sa CARE group, Accountable Discipleship Class 5 ug 6)

Ang UMC DOC nga sumbanan naglangkob sa mga pananglitan ug direksyon alang sa kaugalingon nga debosyon adlaw adlaw uban ang pagsulat (journaling), kada semana nga tigum sa CARE group, kada bulan nga tigum sa mga CARE groups, UMC Heartwarming classes and Rretreat, Accountable classes Membership Class for new Believers and Old Members (isip balik-toon), ug Lay Servant Miniatory/Lay Speakers' Seminars.

Aron Makita ang kompleto nga UMC DOC nga sumbanan, bisitaha:  
[UMCdiscipleship.org/UMCDOC](http://UMCdiscipleship.org/UMCDOC)

Rev. Magusig “John” B. Manalo, Jr.  
*Director for Connectional Ministries, UMC DOC* (Disciples of Christ)  
Manila Episcopal Area of the Philippines Central Conference

# Alang sa Dugang Pagtoon

*Start with Why: How Great Leaders Inspire Everyone to Take Action.*  
Simon Sinek. Portfolio, 2011.

*Building a Discipleship Culture.* Mike Breen. 3dm Publishing, 2014.

*Shift: Helping Congregations Back Into the Game of Effective Ministry.*  
Phil Maynard. Self published, 2013.

*Membership to Discipleship: Growing Mature Disciples Who Make Disciples.* Phil Maynard. Excellence in Ministry Coaching, 2016.

*A Disciple's Path Daily Workbook: Deepening Your Relationship with Christ and the Church.* James Harnish with Justin LaRosa. Abingdon Press, 2012.

Michael Jr., *Know Your Why:*  
[www.youtube.com/watch?v=LZe5y2D60YU](http://www.youtube.com/watch?v=LZe5y2D60YU)

Simon Sinek, *Start with Why: Ted Talk:*  
[www.ted.com/talks/simon\\_sinek\\_how\\_great\\_leaders\\_inspire\\_action](http://www.ted.com/talks/simon_sinek_how_great_leaders_inspire_action)

*“Dili kita makahimo  
ug mga tinun-an  
kon dili nato  
unahon ang  
pagtukod ug  
maayong relasyon  
sa katawhan!”*

# Mahitungod sa Tigsulat

Usa ka inila nga tighanduraw nga lider sa madasigong simabahan, si Rev. Junius B. Dotson maoy General Secretary (chief executive officer) sa Discipleship Ministries, usa ka internasyonal nga ahensya sa The United Methodist Church. Nagsugod siya paghupot sa trabaho niadtong ika-1 sa Hulyo, 2016. Sa wala pa siya niini nga katungdanan, si Rev. Dotson usa ka Senior Pastor sa Saint Mark United



Methodist Church sa Wichita, Kansas, diin nahimong instrumento sa pagbag-o sa simbahan nga may 3,500 ka membro ngadto sa daghang hawanan (multi-campus) nga kongregasyon. Ang maong simbahan nahimo usab nga tigtagad (host) sa E.C. Tyree Health & Dental Clinic nga nagtanyag ug barato nga pag-atiman sa kaliboan ka mga pasyente kada tuig.

Si Rev. Dotson nakadawat sa iyang kurso sa political science, nga may pagtutok sa ekonomiya, sa University of Texas sa Arlington. Samtang nagtoon sa UT-Arlington, nahimo siyang president sa local chapter sa Alpha Phi Alpha, ang pinakadaan nga African-American nga kaponongan sa panagsoonay (fraternity) sa nasud.

Si Rev. Dotson nagsugod sa iyang graduate work sa Perkins School of Theology sa Southern Methodist University sa Dallas, Texas ug nakab-ot ang Master of Divinity gikan sa Pacific School of Religion sa Berkeley, California. Naordinahan siya niadtong June 1992. Niadtong 1996, si Rev. Dotson mitubag sa hagit sa pag ugmad sa Genesis United Methodist Church, usa ka bag-o ug madasigon nga simbahan sa Silicon Valley sa California, nga mitubo ngadto sa nagkalain-laing komunidad sa pagtoo nga mokabat ug 500 ka tawo.

Isip usa ka lider nga mitubag sa hagit ug kahigayonan sa bag-o ug mamugnaon nga mga paagi, si Rev. Dotson nagtoo nga ang epektibo nga ministeryo nagpasabot sa pagbansay, pagpalambo, ug pagpalig-on sa mga mangulo aron makatukod ug ministeryo nga motubag sa panginahanglan sa kinatibuk-an sa tawo – lawas, hunahuna, ug espiritu.

Ang pinasahi nga kabag-ohan ni Rev. Dotson nagbunga ug dakong kaikag. Ang iyang ministeryo naimantala sa The San Jose Mercury News, The San Francisco Examiner, The Sacramento Bee, The Wichita Eagle, religious journals ug segments on CBS Radio's "The Osgood File," ingon man sa ABC, NBC, ug CBS affiliates sa San Francisco, San Jose ug Wichita.

Usa ka maabtikong magwawali ug mamumulong sa publiko, si Rev. Dotson gitahod sa iyang katakos sa pagtukod ug networks nga nakapadali sa iyang bulohaton sa pagtoo ug mas lapad nga komunidad. Si Rev. Dotson nag-alagad sa Board of Ordained Ministry ug sa Revitalization Task Force sa Kansas West Conference (karon kabahin na sa Great Plains Conference). Nagsilbe siya nga tigpataliwala (facilitator) sa Fitzgerald Program, Discipleship Ministries program aron masangkap ang mga pastor sa pagsugod ug ugmad ug kongregasyon. Gikan sa 2009 hangtod 2012, si Rev. Dotson nag-alagad nga Board of Directors sa Discipleship Ministries, diin siya ang pangulo sa New Church Starts/Path 1 division sa maong ahensya. Si Rev. Dotson nagsilbe usab sa The Wichita Food Bank Executive Board, Wichita Children's Home Board, W.G. Williams Community Foundation Board, Wichita Ministerial Alliance ug gipili sa gobernador sa Kansas sulod sa tulo ka termino aron mag-alagad sa Kansas Sentencing Commission.

Si Rev. Dotson nagpuyo sa Nashville, Tennessee, ug naminyo kang Christina Price. Aduna silay duha ka anak, si Wesley ug si Janelle.

***Dili kita makahimo ug mga tinun-an kon dili nato unahon ang pagbaton ug maayong relasyon ngadto sa mga tawo!***

Dili kita makabuot sa pagbalik sa kadasig. Hinoon, makapaningkamot kita sa pagpamuhat aron makahimo ug mga tinun-an, ug magsugod kini nga proseso sa atong paggawas ngadto sa katilingban.

Nagdapit kami kaninyo sa paggamit niini nga basahon aron makasugod sa paghisgot kabahin sa kahimtang sa inyong ministeryo aron makabaton ug kinabuhi nga may katuyoan sa pagkatinun-an.

Gidapit kamo sa **#SeeAllThePeople**.



**DISCIPLESHIP MINISTRIES**  
The United Methodist Church

COM970

